





杜工部集卷之一

虞山蒙叟錢

謙益箋註

古詩五十五首

天寶未亂時并陷賊中作

奉贈韋左丞丈二十二韻

純袴不餓死儒冠多誤身丈人試靜聽賤子請具陳

甫昔少一作妙年日早充觀國賓讀書破萬卷下筆如有神

賦料揚雄敵詩看子建親李邕求識面王翰願卜

風俗淳此意竟蕭條行歌非隱淪騎驢三十載旅食

京華春朝扣富兒門暮隨肥馬塵殘杯與冷炙到處

潛悲辛主上頃見徵歛然欲求伸青冥却垂翅蹭蹬



此言教  
馬知言  
豈不儒  
所  
謂此也  
往其  
高  
後  
御使  
徐則  
微之  
先



業  
陽  
皆  
此



無縱鱗甚媿丈人厚甚知丈人真每於百寮上猥誦  
佳句新竊效貢公喜難其原憲貧焉能心怏怏抵疑  
走跋跋今欲東入海即將西去秦尚憐終南山回首  
清渭濱常擬報一飯况懷辭大臣白鷗沒宋作波浩蕩萬  
里誰能馴云白鷗見下場

韋濟

天寶七載為河南尹遷尚書左丞

統袴

前書叙傳班伯與王許子弟為羣在於綺襦統袴之間非其好也師古曰統素也綺

今之細綾也並貴戚子弟之服任昉

觀國賓

黃鶴年譜開元二十二年遊吳越歸赴鄉舉上韋左

承詩云甫昔少年日早充觀國賓是年方二十三歲明年下第所

謂誤下考功第也舊書云天寶初舉進士不第誤以開元為天寶耳

詩賦

進離賦表臣之述作雖不足以鼓吹六經先鳴數子至

于沈鬱頌挫隨時敏捷而錫維枚臯之流庶可及也

李邕新書甫少貧不自振

客齊趙吳越間李邕

王翰王翰字子羽并州晉陽人見唐書文苑傳舊

奇其才先往見之注載唐史拾遺杜華母使華與王翰卜鄰事

偽書杜撰

隱淪桓譚論天下神人五一日神仙

見徵天寶六載詔天

下李林甫命尚書省皆下之公應詔而退元結喻友天寶丁亥中詔徵天下士有一藝者皆得詣京師就選相國晉公林甫以草野之士猥多恐洩漏當時之機議於朝廷曰舉人多卑賤愚瞶不識禮度恐有俚言汚濁聖聽於是奏待制者悉令長官考試御史中丞監之試如長吏已而布衣之士無有第者遂表賀人主以為野貢公喜廣絕交論王陽登則貢公喜白鷗沒東坡云近世人輕以意改書杜子美云白鷗沒浩蕩萬里誰能馴蓋滅沒于烟波間耳而宋敏求謂余云鷗不解沒改作波改此一字覺一篇神氣索然也范元實詩眼云此詩前賢錄為壓卷其布置最得正體

### 送高三十五書記

崆峒小麥熟且

一作吾

願休王師請公問主將焉用窮荒

為饑鷹未飽肉側翅隨人飛

一作并

高生跨鞍馬有似幽并

一作并

脫身簿尉中

一作言

如與捶楚辭借問今何官觸熱向

武威答云

一作言

一書記所媿國士知人實不易知更一作尤

須慎其儀

一作宜

十年出幕府自可持旌麾一作旗此行既特



達足以慰所思一云亦足男兒功名遂亦在老大唐佐切

明星當空大同時常恨結驩淺各在天一涯又如參與商慘慘

中腸悲驚風吹一作鴻鵠不得相追隨黃塵翳沙漠念

子何當一作歸邊城有餘力早寄從軍詩

書記舊書適解褐汴州封丘尉非其好也乃去位客遊河右河西節度

稱之于上前通鑑天寶十三載五月哥舒翰奉前封丘尉高適為掌書記崆峒先是吐蕃每至麥熟時即率

為吐蕃麥熟天寶六載哥舒翰使王難得楊景暉等潛引兵至積石軍設

伏以待之吐蕃以五千騎至翰於城中率驍勇邀擊匹馬不還太平寰宇

記崆峒山在岷州溢樂縣西二百步長城窮荒舊書玄宗方有事石堡

在縣南一里本秦之臨洮縣唐屬隴右道城詔問王忠嗣以攻取

之畧忠嗣奏云石堡險固吐蕃舉國而守之臣恐所得不如所失玄宗因

不快六載董延光獻策請下石堡城詔分兵接應忠嗣備勦而從延光過

期不克訴忠嗣緩師徵入貶官入載哥舒翰大舉兵伐石堡城拔之士卒

死者數萬果如忠嗣之言通鑑翰又遣兵於赤嶺西開屯田以謫卒二千

戍龍駒島冬冰合蕃大集戍者盡沒玄宗有事于西戎垂二十年用哥

舒翰于隴右始克石堡而靡敝中國多矣此詩以窮荒為戒亦以見哥舒

之謀國不捶楚邵氏聞見錄退之贈張功曹詩云判司卑官不堪說未免

如忠嗣也捶楚塵埃間杜牧寄姪阿宜詩云參軍與簿尉塵土驚助

勦一語不中治鞭笞身滿瘡乃知唐參軍簿尉有罪加撻罰如今之胥吏

也高子勉見山谷云爾予讀唐史代宗命劉晏考所部官善惡刺史有罪

者五品以上劾治六品以上杖貶奏參軍簿尉不足道也吳曾漫錄于頔

傳頔為湖州刺史改蘇州追憾湖州舊尉封杖以計強決之太平廣記載

李遜決包尉臂杖十下武威唐志涼州中都督府隋武威郡屬河西道

則簿尉果不免杖決也武威武德二年置涼州總管府天寶元年改為

武威郡督涼甘肅三州董元元年復為涼州

豈無青精一作粃飯使我顏色好苦乏大一作藥資山林

跡如掃李侯金閨彥陳浩然脫身事幽討一作有梁宋

劉長卿詩  
大地也貞詩說

有人詩  
下長篇則多  
尚能為詩者  
少者為一解  
中其素都  
既為三解

遊方期拾瑤草  
精餽  
草澤隱居  
為言險地謂以酒  
其行  
其地亦非  
足稱











邑樂方傅毅舞賦抗音三光潘序詩話李邕詩出入見三光典引曰

也 苟作

同前亭對 草堂諸本題作同李太守 鵲湖 登歷下古城員外新亭

新亭結構罷隱見清湖陰跡籍臺觀舊氣溟海嶽深

圓荷想自昔遺堞感至今芳宴此時具一作哀絲不阻蓬筮興得兼

古心主稱壽尊客筵秩宴北林北一作密

一作兼得梁甫吟

海嶽趙注言東海太山遺堞歷城古齊歷下城對歷山之下韓信渡

國城故云遺芳宴謝眺賦曲水宴詩嘉梁甫吟寰宇記郡國志云

堞感至今也里樂府文苑俱作蕩陰里即諸葛亮梁父吟曰步出齊東門遙望蕩陰里臨淄屬北海郡故云得兼梁甫吟

立都壇歌寄元 逸人

方尔止文曰遠人  
是公故人所遊人  
言古詩換韻必以  
平聲相商乃妙不  
則聲韻相合、此  
此詩不用平聲  
何等難解有疑  
節促桂妙

故人昔隱東蒙峰已佩含景蒼精龍故人今居子午

谷獨在一作陰崖結茅屋屋前太古立都壇青石漠

漠常風寒子規夜啼山竹裂王母晝下雲旗翻作知

君此計成或作誠長往芝草琅玕日應長鐵鎖高垂不可

攀致身福地何蕭爽

東蒙陸游筆記東蒙終南山峰名種明逸東蒙新居詩登遍終南含

景初學記後漢公孫端劍蒼精龍春秋繁露露劍之子午谷長安志

午道從村陵直絕南中徑漢中今京城直南山有谷通梁漢道者名立

都玉京經曰立都在玉京山有七寶城太上無王母西陽雜俎齊郡函

極大道虛皇君之所治也高仙之立都在焉忽化為白鳥飛去世傳山上有王母藥函常令鳥守之藥函印此正備王

母以對芝草十洲記鐘山在北海地隔弱水之北自生玉芝及神草方

子規也丈洲仙家數十萬耕田種芝草課計頃畝如種稻狀亦



有玉石泉上有鐵鑲法苑珠林終南山大秦嶺竹林寺者至貞觀初採九源丈人宮蜜人山行聞有鐘聲尋而往至焉寺舍二間有人住處傍大竹林可有二頃其人斷二節竹以盛蜜可得五升許兩人負下尋路而至大秦成具告防人從林至此可十五里成主利其大竹將往伐取遣人依言往覓過小竹谷達于崖下有鐵鑲長三丈許防人曳鑲擊之大牢將上有二虎踞崖頭向下大呼其人怖急返走又將十人重尋值大洪雨福地福地記終南太乙山在長安西南便返福地五十里左右四十里內皆福地

今夕行自齊趙西歸至咸陽作

今夕何夕歲云徂更長燭明不可孤咸陽客舍一事

無相與博塞賭博為歡娛馮陵大叫呼五白袒跣不肯

成梟盧一作英雄有時亦如此邂逅豈即非良圖君莫

笑劉毅從來布衣願家無儋石輸百萬

博塞說文簿局戲也六箸十二五白梟盧招魂成梟而年呼五白

白簿齒也言已其梟當成年勝射張食基下兆于扇故呼五白以助投也吳曾漫錄曰五木之戲其四為玉采貴也其八為珉采賤也五采之中有

采曰白蓋五木俱白也楚辭成梟為牟呼五白梟二為珉采牟者勝也欲勝其梟必呼五白也梟盧樗蒲采名漢書梟騎注云梟勇也若六博之梟晉鄧艾曰梟邀也六博得邀者勝晉書劉毅于東府聚樗蒲大擲一判應至數百萬餘人並黑積以還唯劉裕及毅在後毅次擲得雉大喜褰衣繞床叫謂同坐曰非不能盧不事此耳裕惡之因投五木久之曰老兄試為卿答既而四子俱黑一子轉躍未定裕厲聲喝之即成盧毅意殊不快然素黑其面如鐵色焉既而乃和言曰亦知明公不能以此見借程大昌曰凡投子者五皆現黑則其名盧在樗蒲為最高之采四黑一白其采名雉比盧再一等自此而降白黑相雜每每不同三白三黑為健健惡齒也御覽曰六博五擲皆健不為不能則知健為惡齒五白非樗蒲所貴不知何以云呼五白也韓子曰儒何以不好博勝者必殺梟是殺其所貴也梟固為善齒而殺梟者又當得雉則梟之采品非盧比也老杜稟言梟盧亦恐未詳按成梟五白原不招魂詞人引據遞相祖述大昌之論斯為固矣

貧交行

翻手作雲覆手雨紛紛輕薄何須數君不見管鮑貧時交此道今人棄如土

兵車行



風聲如刀割  
雲霧如浪湧  
空之妙自見

西傾用兵而  
招弟以歸  
屬且如四  
不身相  
案相  
子  
山  
中

東言

車麟麟馬蕭蕭行人弓箭各在腰耶孃妻子走相送  
塵埃不見咸陽橋牽衣頓足欄道哭哭聲直上干  
雲霄道傍過者問行人行人但云點行頻或從十五  
北防河便至四十西營田去時里正與裏頭歸來頭  
白還戍邊邊亭流血成海水武皇開邊意未已  
君不聞漢家山東二百州千村萬落生荆杞縱有健  
婦把鋤犁禾生隴畝無東西况復秦兵耐苦戰被驅  
不異犬與鷄長者雖有問役夫敢申恨且如今年冬  
未休關西卒縣宿急索租  
租稅從何出信知生男惡反是生女好生女猶是  
嫁比鄰生男埋沒隨百草君不見青海頭古來白

骨無人收新鬼煩冤舊鬼哭天陰雨濕聲啾啾

**耶孃** 吳若本注云古樂府云不聞耶孃哭子聲但聞黃河流水鳴濺濺 **咸陽橋** 咸陽橋即中渭橋也長安志中渭橋

在咸陽東南二十里本名橫橋貫渭水上橋廣六丈南北一百八十步洞六十八柱七百五梁二百二十二今云塵埃不見咸陽橋出師之盛可知

**防河** 開元十五年十二月制以吐蕃為邊害令隴右道及諸軍團兵五方兵萬人集會州防秋至冬初無寇而罷是時吐蕃侵擾河右故曰防河也 **營田** 唐食貨志唐開軍府以捍要衝因隙地以置營田有

警則以軍若夫千人助役 **武皇** 唐人詩稱明皇多云武皇王昌齡白馬金鞍從武皇

**山東** 趙便曰山東者太行山之東古之晉地今之河北唐都長安故以

鷲多才力敦五種本兵矢復產健馬下者日馳二百里所以兵常當天下 **一百州** 十道四蕃志關以

不能過鄴自爾一百餘城天下力盡不得尺 **生男** 水經注楊泉物

十一州舊書貞觀中開西域置四鎮歲調山東丁男為戍卒繒帛為軍資 **今年冬** 通鑑天寶九載十二月關西游奕使

有屯田以資糧糧牧使以燒羊馬大軍萬人小軍千人烽戍邏卒萬里相 **生男** 王難得擊吐蕃克五橋拔樹敦城



寫得馬有聲

使蒙恬築長城死者相屬民歌曰生男慎勿舉生女哺用鋪不見長  
城下尸骸相支柱太真外傳當時謠曰生女勿悲酸生男勿喜歡  
水經注金城郡南有湟水出塞外又東南逕甲禾羌海北有鹽池關關曰  
縣西有甲禾羌海者也世謂之青海隋西域傳吐谷渾城在青海西四十  
里舊書吐谷渾有青海周圍八九百里唐高宗龍朔三年為吐蕃所併唐  
自儀鳳中李敬玄與吐蕃戰敗于青海開元中王君奐張景順張忠亮崔  
希逸皇甫惟明王忠嗣先後破吐蕃皆在青海西天寶中哥舒  
翰築神威軍于青海上又築城龍駒島吐蕃始不敢近青海  
箋曰天寶十載鮮于仲通討南詔蠻士卒死者六萬楊國忠掩其敗狀反  
以捷聞制大募兩京及河南北兵以擊南詔人聞雲南瘴癘士卒未戰而  
死者十八九莫肯應募國忠遣御史分道捕人連枷送軍所于是行者愁  
怨父母妻子送之所在哭聲震野此詩序南征之苦設為役夫問答之詞  
君不聞已下言征戍之苦海內騷然不獨南征一役為然故曰役夫敢申  
恨也且如以下言土著之民亦不堪賦役不獨征人也君不見以下舉青  
海之故以明征南之必不返也不言南詔而言山東言關西言隴右其詞  
哀怨而不迫如此曰君不聞君不見有詩人呼爾父之意焉是時國忠方  
貴盛未敢斥言之雜舉河隴之事錯乎其  
詞若不為南詔而發者此作者之深意也

高都護驄馬行

安西都護□青驄聲價欻然來向東此馬臨陣久無

敵與人一心成大功功成惠養隨所致飄飄一作飄遠自  
流沙至雄姿未受伏櫪恩猛氣猶思戰場利腕促蹄  
高如踣鐵交河幾蹴曾冰裂五花散作雲滿身萬里  
方看汗流血長安壯兒不敢騎走過掣電傾城知青  
絲絡頭為君老何由却出橫門道

安西都護

長壽二年收復安西四鎮依前於龜茲國置安西都護府

高都護謂高仙芝也天寶六載仙芝討小勃律擒其王所謂大功也

青驄 隋書吐谷渾有青海周圍千餘里中有小山其俗至冬輒放牝

腕欲促而大其間纜容軒 腕蹄 齊民要術腕欲得細而

交河 寰宇記交河縣本漢車師前王之地貞觀十四年置縣取界內交河以為名交

五花 開元天寶間多愛三花飾馬郭若虛家藏貴戚  
東南入高昌縣 闕馬圖一中有三花馬三花者剪鬃為之辨白樂  
天詩云舞衣裁四葉馬鬣剪三花是也李杜詩有五花或云取隋丹元  
步天歌五箇吐花王良星名畫一錄開元內殿有飛黃照夜浮雲五花之



韻四句

乘杜陽編代宗以御馬九花... 花飛風之字而為誌焉又云細... 橫門以黃圖考之長安城北... 橫橋杜詩何由却出橫門道... 經注光門亦名突門在長安... 西城傳立尉屠耆為王更名... 為夫人丞相將軍率百官送... 橫門外祖而遣之

天育驃騎歌

吾聞天子之馬走千里今之畫圖無乃是何意態  
雄且傑駿一作尾蕭梢朔風起毛為綠縹兩耳黃眼有  
紫焰雙瞳方矯矯一作龍性一云矯合變化卓立  
天骨森開張伊昔太僕張景順監牧攻駒一云考牧攻駒  
閱清峻遂令大奴守一作天育別養驥子憐神俊當時  
四十萬匹馬張公歎其材盡下故獨寫真傳世人見

之座右久更新年多物化空形影嗚呼健步無由騁

如今豈無駮裏與驕驄時無王良伯樂死即休

天子之馬

穆天子傳天子之馬縹說文縹青白色雙瞳赭白馬賦雙瞳夾

高駮欲得端光睛張說開元十二年隴右監牧頌德碑其序張景順云元年牧馬二十四萬四十三萬乃四

三萬匹上顧謂太僕少卿兼州都督監牧都副使張景順曰我馬幾何其蕃育卿之力也對曰帝之也仲之令也臣何力之有焉其頌曰有霍

公之掌政擇張氏之舊唐兵志監牧所以蕃馬也唐之初起得突令霍公即王毛仲也監牧厥馬三千匹又得隋馬三千于赤岸澤徒

之隴右監牧之制始于此其官領以太僕唐六典諸牧監掌羣牧孳課之事凡馬有左右監以別其以數紀為名而著其簿籍細馬之監稱左麓馬之監稱右凡馬以季春游牝其駒大奴王毛仲本高麗人其父坐

犢在牧三歲別羣馬牧牝馬四游五課大奴事沒官生毛仲諫于玄宗

守天育舊注天育天子廐名未詳所出胡仔曰東坡書此詩作字天育

從字寫真張彥遠名畫記玄示好大馬御廐至四十萬遂有沛艾大馬

筋骨行步久而方全調習之能迥異並至骨力追風毛彩照地不駮裏可名狀號木槽馬聖人舒身安

已下高一新



瑞應圖駮裏者神馬也與飛兔同應驂騑水經注桃林多野馬造父于  
劭曰赤喙黑身一日行萬五千里一獻周穆王使之御以見王母周  
穆王傳驂騑騑耳口馳三萬里

### 白絲行

此全用逸詩而屬意尤為深妙

香汗清塵素衣  
汗而美人則以爲  
吳開新合故置何  
待新合故置何  
日精不知素衣  
河志也

練絲須長不須白越羅蜀錦金粟尺象一作牙床玉手亂  
殷紅萬草千花動凝碧已悲素質隨時染一作改裂下鳴  
機色相射美人細意熨帖平裁縫滅盡針線跡春天  
衣着爲君舞蛺蝶飛來黃鸝語落絮遊絲亦有情隨  
風照日宜一作疑輕舉香汗輕塵汚顏色一云香汗清塵似微汚  
又云香汗清塵汚不着  
難恐懼棄捐忍羈旅

### 白絲行

傳咸集曰河南郭泰機寒素後門之士不知余無能爲益以詩  
見激切可施用之才而沈淪不能自拔于世余雖心知之而

未如之何此屈非復文辭可了故直戲以答其詩云郭詩云皦皦白素絲  
織爲寒女衣寒女雖妙巧不得秉杼機天寒知運速况復雁南飛衣工秉  
刀尺棄我忽若遺人不取諸身世事焉所希况復已朝餐曷由知我飢此  
詩用泰機之言而反之泰機以白絲寒女自喻而致憾于衣工之棄我以  
真咸之相薦公此詩謂白絲素質隨時染裂有香汗輕塵之汚有  
開新合故之置所以深思汲引之難恐懼棄捐而忍于羈旅也

### 秋雨歎三首

雨中百草秋爛死階下決明顏色鮮著葉滿枝翠羽  
蓋開花無數黃金錢涼風蕭蕭吹汝急恐汝後時難  
獨立堂上書生空白頭臨風三嗅馨香泣

### 秋雨

天寶十三載秋霖雨六十餘日上憂雨傷稼國忠取禾之善者獻  
之曰雨雖多不害稼也秋述杜子卧病長安旅次多雨生魚青苔

### 及決明

本草決明子生龍門川澤石決明生豫章唐本草云皆主明目  
故並有決明之名圖經曰夏初生苗高三四尺許根帶紫色葉

似首蒼而大七月有花黃白  
色其子作穗如青菉豆而銳

### 蘭

一作蘭風長去聲一作伏雨一作東秋紛紛四海二云萬里八荒同一

香汗清塵素衣  
汗而美人則以爲  
吳開新合故置何  
待新合故置何  
日精不知素衣  
河志也



雲去馬來牛不復辨濁涇清渭何當分禾一作木頭生耳  
黍穗黑農夫田婦一作父無消息城中斗米換一作抱衾裯相  
許寧論兩相直

闌風長雨

趙子櫟曰闌如謝靈運所謂闌暑之闌伏如左傳夏無伏陰之伏也東臯雜錄曰伏乃仗之悞言闌珊之風冗仗之雨也胡仔曰善本作長雨世說恭作人無長物用長字爲是按蘭字與闌通舊注引光風泛崇蘭非是同雲陶潛詩靄靄雨八表同昏平路伊阻此云四馬牛秋水篇渚涯之問不辨牛馬涇渭西征賦北有清渭濁涇

禾頭

朝野僉載俚諺云看雨甲子赤地千里夏雨甲子行船入市秋雨甲子禾頭生耳單父人戴寂云久雨則禾生耳謂牙孽卷拳如耳形也王原叔以禾作木木固有耳恐非本旨

長安布衣誰比數反鎖衡門守環堵老夫不出長蓬

蒿稚子無憂走

讀作秦風雨雨聲颼颼催早寒胡雁翅濕

高飛難秋來未曾

陳浩然本作省

見白日溼汚后

一作厚

土何時乾

后土

九辯皇天淫溢而秋霖兮后土何時而得乾

歎庭前甘菊花

簷

一作階一作庭

前甘菊移時晚青蘂重陽不堪摘明日蕭條

醉盡醒

一作盡一作醒

殘花爛熳開何益籬邊野外多衆芳采

擷細瑣升中堂念茲空長大枝葉結根失所纏一作埋風

霜

醉時歌

贈廣文館博士鄭虔

諸公袞袞登臺

一作華

省廣文先生官獨冷甲第紛紛厭

梁肉廣文先生飯不足先生有道出羲皇先生有才

一作所談一作所該一作所抱

過屈宋

二云有才或屈宋

德尊

一代常坎軻

一作壑

名垂萬

古知何用杜陵野客人更

一作見

嗤被褐短窄

一作穴

鬢如絲

唐人又有十日  
菊  
毛氏到本  
作十月菊



日糴太一作泰倉五升米時赴鄭老同襟期得錢卽相覓

沽酒不復疑忘形到爾汝痛飲真一作直吾師清夜沈沈

動春酌燈前細雨簷花落一作簷前細雨燈花落但覺高歌有一作感鬼

神焉知餓死填溝壑相如逸才親滌器子雲識字終

投閣先生早賦歸去來石田茅屋荒蒼苔儒術於我

何有哉孔丘盜跖俱塵埃不須聞此意慘愴生前相

遇且銜盃

鄭虔舊書天寶九載國子監置廣文館唐語林云天寶中國學增置廣文館以領詞藻之士鄭虔久被貶謫是歲始還京師參選除廣文館博士虔聞命不知廣文曹司何在執政謂曰廣文館新置總領文詞故以公名賢處之且今後代稱廣文博士自鄭虔始不亦美乎遂就職按廣文館於國子監增置故云不知曹司何在

復修完寓治國子館自是遂廢非實錄也長安志韓莊在韋曲之東退之與孟郊賦詩又送其子讀書之所也鄭莊又在其東南鄭十八鄭虔之居也通志鄭莊卽鄭虔郊居李商隱有過鄭虔舊隱詩杜陵宣帝紀元

康元年以杜東原上爲初陵更名杜縣爲杜陵

醉歌行別從姪勤落第歸

陸機二十作文賦汝更小年能綴文總角草書又神

速世上兒子徒紛紛驩騶作駒已汗血鷲鳥舉翮連

青雲詞源一作賦倒流三峽水筆陣獨掃千人軍只今年

纔浩然本作生十六七射策君門期第一舊穿楊葉真自知

暫蹶霜蹄未爲失偶然擢秀非難取會是排風有毛

質汝身已一作即見唾成珠汝伯何由髮如漆春光淡澹

秦東亭渚蒲芽白水荇青風吹客衣日杲杲

樹攬離思花冥冥酒盡沙頭雙玉瓶衆賓皆一作已醉我

獨醒乃知貧賤別更苦吞聲躑躅涕淚零



陸機臧榮緒晉書機少襲領父兵為牙門將軍年二十而吳滅退臨舊

故作文賦趙注草書以遲為工所謂忽忽不及草書草書是也以速為神所謂一筆變化書是也詞源隋藝文傳筆有餘力

詞無筆陣王羲之題衛夫人筆陣圖云紙者陣也筆者刀稍也墨者蓋

言用筆鮑明遠與妹排風書浴雨排風成珠秋水篇子不見夫唾者乎噴則大者

珠吳曾漫錄淡池當是潭沱江賦隨風倚菱與波潭沱善曰潭沱淡池隨波之貌梁簡文和湘東王陽雲樓簷柳詩云潭沱青帷閉玲

瓏朱扇開富嘉謩明水篇陽春趙曰浦才有芽而白荇在渚蒲水而青指東亭春景而言

贈衛八處士

人生不相見動如參與商今夕一作復何夕共此燈燭

光一云共宿此燈光少壯能幾時鬢髮各已蒼訪舊魯作半為鬼驚

呼熱中腸焉知二十載重上君子堂昔別君未婚兒

女忽成行怡然敬父執問我來何方問荅乃未已陳浩

董曰打手陶之為

西報兒女

未及兒女一作羅酒漿夜雨剪春韭一作炊間黃梁主

稱會面難一舉累一作十觴十觴一作亦不醉一作感子故

意長明日隔山岳世事兩茫茫

驚呼近時胡儼曰常于內閣見子美親書贈衛八處黃梁招魂稻梁

士詩字其怪偉驚呼熱中腸作嗚呼熱中腸梁些注曰挈糶也言飯則以秬稻稌稷擇新麥糶以黃梁和而柔濡且香

苦雨奉寄隴西公兼呈王徵士

今秋乃淫雨仲月來寒風羣木水光下萬象一作雲氣

中所思礙行潦九里信不通悄悄素湓路迢迢天漢

東願騰六尺馬一作背若孤征鴻劃見公一作子面超然

權笑同奮飛既胡越局促傷樊籠一飯四五起憑軒

是非

隴西公即漢中王

稱徵士瑯琊王徽

家

君







稻梁廣絕交論分

三山老人曰此詩譏切天寶時事也泰山忽破碎喻人君失道也涇渭不可求云云言清濁不分而天下無綱紀文章也虞舜蒼梧思古之聖君而不可得也瑤池日晏言明皇方耽于淫樂而未已也賢人君子多去朝廷故以黃鵠哀鳴比之小人貪祿戀位故以陽雁稻梁刺之箋曰高標烈風登茲百憂岌岌乎有漂搖崩析之恐正起興也涇渭不可求長安不可辨所以迴首而思叫虞舜蒼梧雲正愁猶太白云長安不見使人愁也唐人多以王母喻貴妃瑤池日晏言天下將亂而宴樂之不可以為常也程嘉燧曰玄宗遊宴貴妃皆從幸蒼梧雲正愁聞指二妃之事也故以瑤池日晏借之

示從孫濟

平明跨驢出未知一作適誰門權門多噂喏且復尋諸孫諸孫貧無事宅舍如荒村堂前自生竹堂後自生萱萱草秋已死竹枝霜不蕃一作淘米少汲水汲多井水渾刈葵莫放手放手傷葵根阿翁嬾惰久覺兒行

步奔所來一作求為宗族亦不為盤殮小人利口實二云小人實利口

薄俗難可一作具論勿受外嫌猜同姓古所敦

杜濟宰相世系表濟字應物給事中京兆尹顏魯公刈葵古詩採葵莫傷根傷根葵

不生結交莫羞東漢永平詔權門放手請託殘吏放手

九日寄岑參

出門復入門兩脚一作如但一作仍舊所向泥活活一作思

君令人瘦沈吟坐西軒一作軒窗下飲一作飯食錯昏晝寸步

曲江頭難為一相就吁嗟呼一作平蒼生稼穡不可救安

得誅雲師疇能補天漏大明韜日月曠野號禽獸君

子強逶迤小人困馳驟維南有崇山恐一作莽與川浸溜

是節一作時東籬菊紛披為誰秀岑生多新詩一作語性亦嗜

此詩言遷客  
常能表臣  
謂曰宜忘  
而孔竹可  
而不至  
傷而不

謝東白句乃  
食言治且  
公見牙女  
榮而為  
榮矣  
也到  
少可自



醇酎采采黃金花何由滿一作衣袖

天漏梁益州記大小漏天在雅州西北寰宇記中郡縣漏天秋夏常雨樊道有大漏天小漏天醇酎楚辭招魂曰

清涼王逸曰耐三重釀醇酒也雪賦酌湘吳之醇酎張載酒賦中山冬啓醇酎秋發

### 送孔巢父謝病歸遊江東兼呈李白

巢父掉頭不肯住東將入海隨煙霧詩卷長留天地

間釣竿欲拂珊瑚三云樹深山大澤龍蛇遠春寒野陰

風景暮一作引蓬萊織女迴雲車指點虛無是征路

自是君身有仙骨世人那得知其故惜君只欲

苦死留富貴何如草頭露一云我欲苦留君富貴何如草頭易晞露蔡侯靜者意

有餘清夜置酒臨前除罷琴惆悵月照一作席幾歲寄

我空中書南尋禹穴見李白道甫問信今何如一本云巢父掉

醉也何何

黃山客跋太白頭吟  
三言不同  
時有  
持之他日  
左補  
篇則又  
後篇耳  
公掉  
句

頭不肯住東將入海隨煙霧書卷長携天地間釣竿欲拂珊瑚樹我擬把袂苦留君富貴何如草頭露深山大澤龍蛇遠花繁草青風景暮仙人玉女迴雲車指點虛無引歸路若逢李白騎鯨魚道甫問信今何如

### 孔巢父

巢父字弱翁冀州人早勤文史少與韓準李白張叔明陶沔隱于徂徠山酣歌縱酒時號竹溪六逸永王璘赴江淮聞其賢以

從事辟之巢父察其必敗側身潛遜由是知名後為潭州刺史湖南觀察使未行會德宗幸奉天遷給事中御史大夫興元元年使李懷光于河中

遇害按巢父初與李白共隱徂徠山有送韓準裴政孔巢父還山詩云昨宵夢裏還云弄竹溪月今晨魯東門悵飲與君別此詩云南尋禹穴見李白

蓋巢父既與白別復往尋白于江東也公與白別于魯郡石門在天寶四五載間此詩當在與白別之後巢父不應永王辟側身潛遜則在遊江

東之掉頭莊子在宥篇鴻濛拊髀珊瑚樹述異記鬱林郡有珊瑚

後也掉頭雀羅掉頭曰吾弗知珊瑚樹市海客市珊瑚處也珊

瑚碧色生海底一樹數十枝枝間無葉大者高五六尺南州志珊瑚出大秦國海中生海底石上西京雜記積草池中有珊瑚樹高一丈二尺一本

三柯上有四百六十二條是南越王趙史宗引小兒騰空空中書

脚下有波濤寄書事乃蓬萊仙人也洪慶善云空中書乃雁足書非也梁高僧傳史宗不知何許人常在廣陵白土埭憑球謳唱後有一道人不知姓名常費一杖一箱自隨嘗逼暮來詣海鹽令云欲數日行暫倩一人令乃選取守鵝鴨小兒將去倏忽之間至一山山上有屋屋中有三人相

鴈足亦可



見欣然共語向曉道人辭欲還屋中人問云君知史宗所在不其謫何當竟道人云在徐州江北廣陵白土埭上計其謫亦竟也屋中人便作書曰因其與之道人以書付小兒比曉至縣令呼小兒問近所經小兒云道人令其促杖飄然而去或聞足下波浪聲并說山中人寄書猶在小兒衣帶汝那得蓬萊道人書耶或云有商人海行于孤洲上見一沙門求寄書于史宗置書于船中同侶欲看書書著船不脫及至白土埭書飛起就宗宗接而將去禹穴太史公自序司馬遷年探禹穴張晏曰禹巡守至會稽而崩因葬焉上有孔穴或云禹入此穴御覽載括略曰會稽山有一石穴委曲黃帝藏書于此禹得之又吳越春秋謂之禹穴也

### 飲中八仙歌

知章騎馬似乘船眼花落井水底眠汝陽三斗始朝天道逢白氏長慶集注逢作見麴車口流涎恨不移封向酒泉左相

日典費萬錢飲如長鯨吸百川銜盃樂聖稱世邵刊作避賢

宗之蕭灑美少年舉觴白眼望青天皎如玉樹臨風

前蘇晉長齋繡佛前醉中往往愛逃禪李白一斗詩百篇長安市上酒家眠天子呼來不上船自稱臣是酒中仙張旭三盃草聖傳脫帽露頂王公前揮毫落紙如雲煙焦遂五斗方卓然高談雄辯驚四筵

### 飲中八仙

李陽本草堂集叙公出入翰林中書能成謗帝用疎之乃浪跡縱酒以自昏穢與賀知章崔宗之等曰為八仙之遊謂

公謫仙人朝列賦謫仙人歌凡數百首多言公之不得意天子知其不可留乃賜金歸之范傳正李白新墓碑在長安時時人以公及賀監汝陽王崔宗之裴周南等八人為酒中八仙按李序范碑皆言白與賀監等八仙之遊在天寶初然蘇晉以開元二十二年卒范碑又有裴周南不在公所詠之數何也新書則云白與賀知章李適之汝陽王璉崔宗之蘇晉張旭焦遂為酒八仙人此因杜詩附會耳且既云天寶初供奉又云與蘇晉同游何自相矛盾也

### 賀知章

舊善知章性放曠善談笑晚年尤縱誕無復規檢自號四明狂客又稱秘書外監遊遊里巷醉後屬辭動

成卷軸天寶三載因病恍惚乃上疏請度為道士求還鄉里金壺記賀知章字維摩自號四明狂客李白訪賀監不遇詩東山無賀老却棹酒船回箋云吳人善乘船醉後馬上傲兀安隱如乘船言醉鄉之樂也眼花落井水底眠極狀其醉態之妙眼花落井便如安眠于井底得全于酒無往而非眠也注

王儲曰古白不付歸  
物到回春者何如  
口上五更夢  
得遊不可舍已  
好惡行便

華白年介有辭凡句  
中意見仙  
白為要







數吾人其作心似灰弟姪何傷淚如雨

卽事

列子云周之尹氏有老役夫晝則呻吟卽事陶淵明云卽事多所欣謝詩卽事怨睽攜

吾人

漢武帝歌曰泛濫不止兮

自斷此生休問天杜曲幸有桑麻田故將移住南山

邊短衣匹馬隨李廣看射猛虎終殘年

杜曲

雍錄樊川韋曲東十里有南杜北杜杜固謂之南杜杜曲謂之北杜二曲名勝之地

南山

李廣傳屏居藍田南山中射獵

麗人行

楊慎曰古本稱身下有足下何所着紅渠羅韞穿

三月三日天氣新長安水邊多麗人態濃意遠淑且

真肌理細膩骨肉勻繡羅衣裳照暮春感金孔雀

銀麒麟頭上何所有翠微一作烏合反盃一作垂鬢脣背

後何所見珠壓腰肢一作其輒切穩稱身就中雲幕椒房

親賜名大國號與秦紫駝之峰一作出翠釜水精之盤

行素鱗犀筋厭飲久未下鑿刀縷切空一作紛綸黃門

飛鞚不動塵御厨絡繹一作送八珍簫鼓一作哀吟感鬼

神賓從雜一作還實要津後來鞍馬何逡巡一作當軒下

馬入錦茵楊花雪落覆一作白蘋青鳥飛去銜紅巾炙

手可熱勢一作絕倫慎莫近一作前丞相嗔

麗人行

舊書玄宗每年十月幸華清宮國忠姊妹五家扈從每家爲一隊著一色衣五家合隊照映如百花之煥發遺鈿墜鳥瑟瑟珠

翠燦爛芳觀于路而國忠私于虢國不避雄狐之刺每入朝或聯鑣方駕

不施帷幔每三朝慶賀五鼓待漏靚粧盈巷蠟炬如晝明皇雜錄上將幸

華清宮貴妃姊妹競飾車服各爲一犢車飾以金銀間以珠翠一車之費

不啻數十萬既成甚重而牛不能引因復上閣請乘馬于是競須名馬以

黃金爲嚼橛組綉爲障泥共會于國忠宅同人禁中炳煥照

燭觀者如堵注並引十月幸華清事度上已修禊亦必爾也

友朋之氣也... 亦用周... 亦用周... 亦用周...

亦用周... 亦用周... 亦用周... 亦用周...

亦用周... 亦用周... 亦用周... 亦用周...

亦用周... 亦用周... 亦用周... 亦用周...

亦用周... 亦用周... 亦用周... 亦用周...

亦用周... 亦用周... 亦用周... 亦用周...

亦用周... 亦用周... 亦用周... 亦用周...

翠微盃葉... 翠微盃葉... 翠微盃葉...







歸處獨立蒼茫自詠詩

樂遊園

長安志樂遊原在萬年縣南八里漢書宣帝起遊廟在曲江北

談錄曲江池本秦時隋開元中疏鑿為勝境其南為紫雲樓芙蓉苑

西京雜記長安中太平公主于原上置亭遊賞後賜寧申岐薛王每正月

晦日三月三日九月九日士女咸就此登高祓禊帝幕雲布車馬填塞虹

彩映日馨香滿路朝士詞人賦詩翌日傳于都市

二月朔為秦川長安志三秦記曰長安正南秦嶺嶺根水流為秦川一

云云是也坐中見得秦川則高可知矣長安志樂遊原居京城之最

高四面寬厥京城之內俯視如掌沈佺期詩秦地平如掌層城出雲漢

芙蓉園芙蓉池皆相並也宇文愷為隋營京城以京城東南隅地高不便故

改名芙蓉以其水盛而芙蓉富也遊城南記芙蓉園與杏園

皆秦宜春下苑之地園內有池謂之芙蓉池唐之南苑也

雜記開元二十年築夾城入芙蓉園自大明宮夾巨羅城復道經通化門

觀以達興慶宮次經春明延喜門至曲江芙蓉園而外人不知也津陽門

董曰寫出奇處

下是又

喜甚

末京樂鏡

二項

漢陂行

詩其年十月移禁役五王扈駕夾城路

勝神異經東方有宮青石為牆高三仞左右闕高百尺畫以五色門有銀榜張正見詩銀榜映仙宮

峯參兄弟皆好竒携我遠來遊漢陂天地黥慘忽異

色波濤萬頃堆琉璃琉璃漫汗泛舟入事殊興極憂

思集鼉作鯨吞不復知惡風白浪何嗟及主人錦帆

相為開舟子喜甚無氛埃鳧鷺散亂棹謳發絲管啁

啾空翠來沈竿續蔓深莫測菱葉荷花靜一作如拭宛

在中流渤澥清下歸無極一云下終南黑半陂已南純

浸山動影曩宛冲融間船舷腹曼雲際寺水面月出

藍田關此時驪龍亦吐珠馮叟擊鼓羣龍趨湘妃漢



女出歌舞金支翠旗光有無咫尺但愁雷雨至蒼茫  
不曉神靈意少壯幾時奈老何向來哀樂何其多

**岑參**

天寶三載進士釋褐為右內率府兵曹參軍

**漢陂**

長安志漢陂在鄠縣西五里出終南山諸谷合朝公泉為陂十道志

曰有五味陂陂魚甚美因誤名之本屬奉天又說文曰漢陂在京兆鄠縣其周一十四里北流入灤水通志元末游兵夾水取魚水去而陂涸為田

**拭**

雜記雁人拭羊注拭淨也

**渤解**

應劭曰海別支也

**沖融**

海賦沖融沈瀆船舫江賦詠採菱以融沈瀆

而歌王逸曰扣船舫也

**雲際寺**

長安志雲際山大安寺在鄠縣東南六十里隋置居賢捧日寺

**藍田關**

長安志藍田關

在藍田縣東南六十八里即秦曉關也後周明帝徙青泥故城側改曰青泥關武帝改藍田關雍錄杜詩水而月出藍田關曉關在漢陂之東南也

**金支**

安世房中歌金支秀華庶旄翠旌臣墳曰樂上衆飾有流飾羽葆以黃金為支相如賦建翠華之旗

**少壯**

秋風辭歡樂極

今哀情多少壯幾時今奈老何

**漢陂西南臺**

高臺面蒼陂六月風日冷蒹葭離披去天水相與永

懷新目似擊接要心已領仿像識鮫人空蒙辨魚艇

錯磨終南翠顛倒白閣影嶠

一作嶠

翠增光輝

一作陰

乘陵惜

俄頃勞生愧嚴鄭外物慕張邴世復輕驪騮吾其雜

鼃黽知歸俗可忽取適

一作足

事莫並身退豈待官老來

苦便

平聲

靜况資菱芡足庶結茅茨迥從此具扁舟彌

年逐清景

**鮫人**

海賦其垠則有天琛水怪鮫人之室江賦鮫人構館于懸流

**白閣**

岑參歸白閣草堂詩雷聲傍太白雨在八九峯東望

白閣雲半入紫閣松通志紫閣白閣黃閣三峯俱在圭峯東紫閣旭日射之爛然而紫白閣陰森積雪弗融黃閣不知所謂三峯相去不甚遠

**鄭**

前漢王貢兩龔傳戶谷口有鄭子真蜀有嚴君平皆修身自保三輔決錄云子真名樸君平名遵稽康幽憤詩仰慕嚴鄭樂道閑居

**邴**

謝靈運還舊園作辭滿豈多秩謝病不待年偶與張邴合久欲還東山注謂張良邴曼容也

**便靜**

謝靈運詩拙疾相倚薄還得靜者便

**戲簡鄭廣文**

庚

**兼呈蘇司業**

源明



廣文到官舍繫一作置馬堂階下醉則一作即騎馬歸頗遭官  
長罵才名四一作三十年坐客寒無羶賴一作近有蘇司業時  
時與一作乞酒錢

蘇司業

蘇源明京兆武功人天寶間及進士第累遷太子諭德出為東平太守召為國子司業安祿山陷京師以病不受偽署

乞

夏日李公

家令

見訪

李時為太子家令黃鶴曰按宗室世系表當是李炎

遠林暑氣薄公子過我遊貧居類村塢僻近城南樓  
旁舍頗淳朴所願變陳並亦易求隔屋喚西家借問有  
酒不牆頭過濁膠展席俯長流清風左右至客意已  
驚秋巢多衆鳥鬪一作喧葉密鳴蟬稠苦道一作遭此物聒孰  
謂陳作吾廬幽水花晚色靜一作淨庶足充淹留預恐樽中

盡更起為君謀

水花

崔豹古今注芙蓉一名荷花生池澤中寔曰蓮華之最秀異者一名水芝一名水花

奉同郭給事湯東靈湫作

東山氣鴻濛宮殿居上頭君來必十月樹羽臨九州

幽有時浴赤日光抱空中樓

延冥樓沸一作拂天萬乘動觀水

佳一作怪王命官屬休初聞龍用

壯擘石摧林丘中夜窟宅改移因風雨秋倒懸瑤池

影屈注蒼江流味如甘露漿揮弄滑且柔翠旗淡偃

寒雲車紛少留蕭鼓蕩四溟異香泱泱浮鮫人獻微

一作徽綃曾祝沈豪牛百祥奔盛明古先莫能儔坡陁金

註羽鳥輝

樹羽未詳

按樹羽二字見周頌有蒼篇



廣文到官舍繫一作置馬堂階下醉則一作即騎馬歸頗遭官  
長罵才名四一作三十年坐客寒無種賴一作近有蘇司業時  
時與一作乞酒錢

蘇司業

蘇源明京兆武功人天寶間及進士第累遷太子諭德出為東平太守召為國子司業安祿山陷京師以病不受偽署乞  
潘淳詩話乞與也丘既切

夏日李公

一云李

見訪

李時為太子家令黃鶴曰按宗室世系表當是李矣

遠林暑氣薄公子過我遊貧居類村塢僻近城南樓  
旁舍頗淳朴所願一作須亦易求隔屋喚西家借問有  
酒不牆頭過濁膠展席俯長流清風左右至客意已  
驚秋巢多衆鳥鬪一作喧葉密鳴蟬稠苦道一作遭此物聒孰  
謂一作陳吾廬幽水花晚色靜一作淨庶足充淹留預恐樽中

盡更起為君謀

水花

崔豹古今注芙蓉一名荷花生池澤中寔曰蓮華之最秀異者一名水芝一名水花

奉同郭給事湯東靈湫作

東山氣鴻濛宮殿居上頭君來必十月樹羽臨九州  
陰火煮玉泉噴薄漲巖幽有時浴赤日光抱空中樓  
闐風入轍跡曠一作廣原一作野延冥搜沸一作拂天萬乘動觀水  
百丈湫幽靈二云靈斯一作新可佳一作怪王命官屬休初聞龍用  
壯擘石摧林丘中夜窟宅改移因風雨秋倒懸瑤池  
影屈注蒼江流味如甘露漿揮弄滑且柔翠旗淡偃  
寒雲車紛少留蕭鼓蕩四溟異香泱泱浮鮫人獻微  
一作微綃曾祝沈豪牛百祥奔盛明古先莫能儔坡陁金

樹羽臨九州

詠物易

方曰初臨流... 詠物易... 詠物易...



蝦蟆出見蓋有由至尊顧之笑王母不肯一作遣收復歸

虛無底化作長黃虵一云龍與虵飄飄一云飄飄青瑣郎文采珊瑚

鈎浩歌淥水曲清絕聽者愁

東山長安志驪山在臨潼縣東南二里溫湯在山下開元後玄宗嘗以十月幸溫泉歲盡而歸陰火海賦陰火潛然

原吳若本注原崑崙東北脚名也穆天子傳自羣玉之山以西至於西王母之邦三千里自西王母之邦北至於曠原之野飛鳥之所解其羽千有九百里宗周至于百丈湫長安志冷水一曰零水在臨潼縣東三十里亦曰百丈泉水經注冷水出肺浮山

歷陰盤新豐兩原之間北流注上渭寰宇記龍用壯長安志陰盤城百丈水即冷水之别名郊祀志湫淵祀朝那

陰盤故城東門外去昭應十五里往來大路必由此城行人憧憧無所留碍近古帝王未嘗經度必迂迴城西別開御路貞觀中乘輿將自東門入

湯泉水岸深數丈時水暴漲平岸又見物狀猶畜臨土門命有司致祭其物起向北因失所在開元八年冬乘輿自南入行至半城黑氣自城東北

角起倏忽滿城從官皆相失上策馬踰城赴官路下至渭川雲氣稍解侍臣分散尋求乘輿所在上悵然還宮數日不出翰林學士通事舍人王翰

作答客問上之詞曰龍躍湯泉雲漸迴龍飛香殿氣還來龍潛龍見雲皆應天道常然何問哉劇談錄咸通九年春華陰縣南十餘里一夕風雨暴

作有龍移湫自遠而至先是崖壠高亞無貯水之所此夕迴從數偃丈小山從東西直亘南北峯巒草樹一無所傷碧波迴塘湛若疏鑿

蹇七發旌旗偃蹇微綃吳都賦泉室潛織而卷綃劉涓子曰俗傳曾祝豪

牛穆天子傳天子大朝于燕然之山天子奉璧南面曾祝在之祝沈牛豕羊又文山之人歸遺獻牯牛百天子與之豪馬豪牛金蝦

蟆酉陽雜俎有人夜見月光屬于林中如疋布尋跡之見一金背蝦蟆疑是月中者月者陰精后妃之象祿山詔約楊妃誓為子母通宵禁掖

狎嬪嬙和士開之出入卧内方此為疎薊城侯之獲刑刑餘

又奚足尚方諸蝦蟆之入月詩人之託論不亦婉而章乎

安祿山事蹟玄宗嘗夜宴祿山醉野化為一黑猪而龍首左右遽言之玄宗曰此猪龍也無能為者祿山將入朝乃令于溫泉為祿山造宅至

溫泉賜浴玄宗計日幸望春宮以待十載正月一日是祿山生日後三日召祿山入内貴妃以繡綉子縛祿山令内人以綵輿昇之歡呼動地玄宗

使人問之報云貴妃與祿山作三日洗兒了又繡祿山是以歡笑玄宗就觀之大悅十三載祿山入朝歸范陽玄宗御望春亭脫御服以賜之祿山

受之驚懼不敢言自謂先兆恐復留之遂疾驅出關至淇門順流而下所至都縣令船夫持牽板繩立于岸上以待至則牽之日行三四百里十四

載玄宗遣中使馮承威賞璽書召祿山曰與卿修得一湯沐故令召卿至十月朕于華清宮待卿十一月祿山起兵反夢弼曰楊國忠言祿山必反

曰陛下試召之必不來祿山聞命即至見上于華清宮此祿山謁見之由故曰坡陀金蝦蟆出見蓋有由也上由是益親信祿山國忠之言不能入

故曰坡陀金蝦蟆出見蓋有由也上由是益親信祿山國忠之言不能入



太子亦知祿山必反言之不聽雖國忠欲收祿山貴妃必不肯放曰至尊顧之笑王母不肯收也續遺歸范陽祿山遂反豈非復歸虛無底化作長平黃虬

夜聽許十損一本作許十一誦詩愛而有作本作許十無損字

許生五臺賓業白出石壁余亦師祭可身猶縛禪寂何階子方便謬引為匹敵離索晚相逢包蒙欣有擊誦詩渾一作遊衍四座皆一作辟易應手看捶鈎清心聽鳴鏑精微穿漠淖飛動摧霹靂陶謝不枝梧風騷共推激紫燕舊作自起詣翠駃誰剪剔君意人莫知人間

夜寥聞

五臺華嚴大疏清涼山即代州雁門郡五臺山也歲積堅冰夏仍飛雪曾無炎暑故曰清涼五峯聳出頂無林木有如壘土之臺故曰五

臺太平寰宇記五臺在代州五臺縣東北一百四十里水經注五臺山五峰巍然故謂之五臺石壁續高僧傳曇鸞或為巒雁門人也家近五

臺山後住汾州北山石壁玄中寺舊書達摩傳慧捶鈎知北遊大馬之捶鈎者年八十矣而不失豪芒

郭云捶者拈捶鈎之輕重而不失豪芒也紫鸞昭陵六馬贊爾雅駃如馬鋸牙食虎豹駃

橋陵詩二十韻因呈縣內諸官

先帝昔晏駕茲山朝百靈崇岡擁象設沃野開天庭

卽事壯重險論功超五丁坡陀因一作厚地一作却略羅

峻屏雲闕虛冉冉風松肅泠泠石門霜露一作白玉殿

葍苔青宮女晚一作知曙祠官一作朝見星空梁簇畫戟

陰井敲銅甌中使日夜繼一云日繼夜正惟王心不寧豈

徒郵備享尚謂求無形孝理敦國政神凝推道經瑞

芝產廟柱好鳥鳴一作巢巖局高岳前律翠洪河左滢

澹澄玉篇同榮胡炯鳥迴一切無營音澹字玉篇韻畧俱無毛氏據此詩增恐非當作澹金城蓄峻趾沙苑



交迴汀水與奧區固川原紛眇冥居然赤縣立臺榭  
爭岩亭官屬果稱是聲華真一作可聽王劉美竹潤  
李春蘭馨鄭氏才振古啖侯筆不停遣辭必中律利  
物常發硯綺繡相展轉琳琅愈一作青熒側聞魯恭化  
秉德崔瑗銘太史候鳧影王喬隨鶴翎朝儀限霄漢  
客思迴林垞輒軻辭下杜飄飄陵濁涇諸生舊短褐  
旅泛一浮萍荒歲兒女瘦暮途涕泗零主人念老馬  
解署一作容一作秋螢流寓理豈愜窮愁醉未醒何當擺  
俗累浩蕩乘滄溟

橋陵開元四年十月葬睿宗于橋陵以同州蒲城縣為奉先縣十七年十一月謁橋陵上望陵涕泣改奉先同赤縣以所管三百戶供陵寢長安志橋陵在奉先縣西北二十里象設招魂象設君室注象法也豐山封內四十里陪葬太子三公主三

舊坡陁哀二世賦登坡陁之長坂匡金城寰宇記秦孝公九年築長城簡公二年壅洛故云自  
鄠濱洛今沙苑長城是也三秦記云在蒲城東五十里秦築長城即是壅洛也賈誼云關中之固金城千里愚謂指長城也舊注引京兆始平之金城非  
下杜水經注下杜城應劭曰故杜陵之下聚落也故曰下杜門長安志下杜城在長安縣南一十五里秦杜縣宣帝修杜之東原為  
陵曰杜陵縣更名此為下杜城東有杜原城在下故曰下杜困學記聞石門霧露白玉殿莓苔青舊史鄭顯夢為聯句與此同

沙苑行

君不見左輔白沙如白水一作白如繚以周牆百餘里龍

媒昔是渥洼生汗血今稱獻於此苑中駮牝三千匹

豐草青青寒不死食之豪健西域無一云騰每歲攻一作

駒冠邊鄙王有虎臣司苑門入門天廡皆雲屯一作

驕一骨獨當御春秋二時歸一作至尊至尊內外馬盈

億鮑作內外馬數將盈億伏櫪在垞空大存逸羣絕足信殊傑侔儻



權奇難具論，纍纍追阜藏。奔突往往坡，陲縱超越角。  
壯翻同一作騰麋鹿遊浮深，簸蕩龜鼉窟。泉一作海出巨魚長，  
比人丹砂作尾，黃金鱗豈知異物同。精氣雖未成，龍  
亦有神。

**沙苑**

元和郡國志沙苑一名沙阜在同州馮翊縣南二十里其處宜六畜置沙苑監唐六典沙苑監掌牧養龍右諸牧羊水經注洛水東

經沙阜北其阜東西八十里南北三十里俗名之曰沙苑寰宇記白水縣其境東南谷多白土因名白水

苑繚以周籍天廐六典六開左右凡十有二開分爲二廐四百餘里廐一曰神廐二曰鳳苑以繫飼馬歸至尊唐

典使司每歲簡細馬五十四匹教馬一百匹建之今本六典云凡在牧之馬皆印註云印以監名若繫送尚乘不用監名尾側依左右開印以三花雜

馬送尚乘者以風字印角壯藉白馬賦分馳左轉以飛字印左轉泉出巨魚泉出吳若本注作海

出後漢志按靈帝熹平二年東萊海出大魚二枚京房易傳海出巨魚邪人進賢人疎

**驄馬行**

太常寮卿勅賜馬也李鄒公愛而有之命甫製詩

鄧公馬癖人共知，初得花驄大宛種。夙昔傳聞思一見，牽來左右神皆竦。雄姿逸態何峭崿，顧影驕嘶自矜寵。隅目青熒夾鏡懸，肉駿制作駿礮礮連錢動。朝來久草堂試華軒下，未覺千金滿。高價赤汗微，生白雪毛銀鞍。却覆香羅帕，卿家舊賜公取之。云能最天廐真龍此其亞，晝洗須騰涇渭深。朝荆作夕趨一作晨可刷幽并夜，吾聞良驥老始成。此馬數年人更驚，豈有四蹄疾于鳥。不與八駿俱先鳴，時俗造次那得致。雲霧晦冥方降精，近聞下詔喧都邑。肯使一作智騏驎地上行。

**隅目**

西京賦隅目高匡薛綜曰隅目角眼視也相馬經曰眼欲得高匡

**肉駿**

東坡曰余在岐下見秦州進一馬駿如牛項下

垂胡側立倒傾毛生肉端蕃人曰此肉駿也乃知驄馬行肉駿礮礮當作肉駿耳

**晝洗**

藉白馬賦曰刷幽燕晝秣荆越張說隴右監牧



頌朝刷聞風夕洗天泉太白  
天馬歌雞鳴刷燕暮秣越

### 去矣行

君不見韝上鷹一飽則飛掣焉能作堂上燕銜泥附  
炎熱野人曠蕩無覩顏豈可久在王侯間未試囊中  
餐玉法明朝且入藍田山

鮑欽止曰天寶十四載公在率府數上賦頌不蒙採錄欲辭職遂作去矣行往掘得若環璧雜器形者大小百餘至而觀之皆光潤可玩預乃椎七十枚為屑日服食之  
公置山出美玉三秦記曰玉之美者曰球其次曰藍蓋以縣出美玉故名

### 自京赴奉先縣詠懷五百字

天寶十四載十一月初作

杜陵有布衣老大意轉拙許身一何愚樂作竊比稷與契居然成濩落白首甘二云契闊蓋棺事則已此志常

方曰此一段公自述平生志也

覬豁窮年憂黎元歎息腸一作腹內熱取笑同學翁浩歌

彌激烈非無江海志蕭洒送一作送日月生逢堯舜君二云

君為不忍便永訣當今廊廟具構厦豈云缺葵藿傾太陽物性固莫一作難奪顧惟螻蟻輩但自求其穴胡為慕

大鯨輒擬偃溟渤以茲悟生理獨耻事干謁兀兀遂

至今忍為塵埃沒終愧巢與由未能易其節沉飲聊

自適一作適放歌頗愁絕歲暮百草零疾風高岡裂天衢

陰崢嶸客子中夜發霜嚴衣帶斷指直不得一作能結凌

晨過驪山御榻在嚙噪虫尤塞寒空蹴踏崖谷滑瑤

池氣鬱律羽林相摩曼君臣二云留懽娛樂動殷樛嶠

荆作謬葛一作蟻蟻一作福竭噶一作湯竭賜浴皆長纓與宴一作謀非短褐彤廷所

此謂公初出京也

去矣行 温白



此詩乃奉先與李商隱  
家上情狀也又會詩

分帛本自寒女出鞭撻一作筆其夫家聚斂貢城闕聖人  
筐篚恩實欲一作願邦國活臣如忽至理君豈棄此物多  
士盈朝廷仁者宜戰慄况聞內金盤盡在衛霍室中  
堂舞一作有神仙煙霧散一作蒙玉質煖客一作蒙貂鼠裘悲管逐  
清瑟勸客馳蹄羹霜橙壓香橘朱門酒肉一作為臭路有  
凍死骨榮枯咫尺異惆悵難再述北轅就涇渭官渡  
又改轍羣水一作水從西下極目高崒兀疑是崆峒來恐  
觸天柱折河梁幸未圯枝撐聲窸窣行旅相攀援川  
廣不一作日可越老妻寄一作判異縣十口隔風雪誰能久不  
顧庶往共饑渴入門聞號咷幼子飢一作餓已卒吾寧捨  
一哀里巷亦一作猶嗚咽所愧為人父無食致天折豈知

秋末一作木登貧窶有倉卒生常一作陳免私稅名不隸征伐  
撫迹猶一作獨酸辛平人固騷屑默思失業徒因念遠戍  
卒憂端齊一作際終南頽洞不可擬

奉先西魏蒲城縣屬同州開元四年改為奉先縣移隸京兆府以奉睿宗

泉後魏白水又改蒲城開元四年建睿宗橋驪山太平寰宇記驪山在昭

山也雍錄温泉在驪山秦漢隋唐皆常遊幸惟玄宗特修蓋即山建立百司

庶府皆行各有寓止自十月往至歲盡乃還宮又緣楊妃之故其奢蕩蓋著

大抵宮殿包裏驪山一山而緣牆周徧羽獵賦蚩尤並載蒙公先驅

其外觀風樓下又有夾城可通禁中韓子曰黃帝駕象車與方並

轂蚩尤居前皇覽蚩尤塚在東郡壽張縣闕鄉城中高七丈民常十月祀之

有赤氣出如匹絳帛民名為蚩尤旗余按此正十一月初借蚩尤以喻兵象也

鬱律西京賦隆窟崔羽林唐會要垂拱元年置羽林軍應樂動開元

道事貴妃生日宴長生殿南方適進荔枝因以荔枝香為曲劉禹

錫華清宮詩言昔太上皇常居此祈年空中聞清樂往往來列仙穆囑上

賦張樂手膠葛之寓郭璞曰言曠遠深貌也魯靈光殿賦洞穆囑乎其無垠



五經曰如此起法  
亦與同通言編

高峻賜浴津陽門詩注曰宮內除供奉兩湯池內外更有湯十六所長湯之貌

華捧湯噴以成池又縫綴錦繡為昆雁置于水中上時于其間泛銀鑊小舟以嬉遊焉次西曰太子湯又次西少陽湯又次西尚食湯又次西宜春湯又

次西長湯十六所今惟太子少陽二湯存焉孔帖云李適賜浴溫湯給香粉蘭澤安祿山事蹟祿山將及戲水楊國忠兄弟號國姊妹並至新豐所止之處皆賜御膳至溫泉賜浴將士並賜浴

賜食賜錢玄宗計日幸望春宮以待官渡即涇渭之渡也舊注引魏志

在萬年縣東南二天柱水經注張華叙東方朔神異經曰崑崙有銅柱焉

共工氏與顓頊爭為帝怒而湏洞許慎注淮南子湏讀如項

觸不周之山折天柱絕地維呂汲公詩譜云是年十一月初自京赴奉先有詠懷詩是月有祿山之亂按

祿山起兵在十一月九日反書至長安玄宗猶未信故此詩言歡娛聚斂致

亂在日夕而不言祿山反狀也

奉先劉少府新畫山水障歌英華題云新畫山水障歌奉先尉劉單宅作

堂上一作中不合生楓樹怪底江山一作山起烟霧聞君掃却

赤縣圖乘興遣畫滄洲趣畫師亦無數好手不可遇

對此融心神知君重毫素豈但祁岳與鄭虔筆迹遠

過楊契丹得非玄圃裂一作拆無乃瀟湘翻悄然坐我天

姥下耳邊已似聞清猿反思前夜風雨急一作恐是蒲

一作城鬼神入元氣淋漓障猶濕真宰上訴天應泣野

亭春還雜花遠漁翁暝踏孤舟立滄浪水深青溟闊

英華云滄浪之水深且闊欵岸側鳥英華云欵秋毫末不見湘妃鼓瑟

時至今斑竹臨江活劉侯天機精愛畫入骨髓自有

兩兒郎揮灑亦莫比大兒聰明到能添老樹巔崖裏

小兒心孔開貌音得山僧及童子若耶溪雲門寺吾

獨胡為在泥滓青鞵布襪從此始

赤縣劉為奉先尉寫其邑祁岳未景玄唐朝名畫錄李嗣真畫錄云

大雨血



在李國恒之下岑參送祁樂遠山東詩有時或乘輿盡出江上峯床  
頭蒼梧雲簾下天台松警者唐仲云疑即其人岳之與樂傳寫之誤也

**契丹** 張彥遠名畫記隋楊契丹官至上儀同沙門法琮云六法備該殊  
昔田楊與鄭法士同于京師光明寺畫小塔楊以簾蔽畫處鄭竊視之謂

楊曰卿畫終不可學何勞障蔽楊託以婚姻有對門之好又求楊畫本楊  
引鄭至朝堂指以宮闕衣冠人物車

**天姥** 寰宇記天姥山在剡縣南八  
馬曰此是吾畫本也由是鄭深歎服

餘丈蕭蕭然吳錄云登者聞天姥歌謠之響郡國志天姥山與括蒼山相  
連石壁上有刊字科斗形高不可識春月樵者聞蕭鼓笳吹之聲聒耳元

嘉中遺名畫寫狀于團扇即此山也謝靈運詩曰暎投剡中山明登  
天姥岑壯遊詩歸帆拂天姥蓋舊遊之地故云悄然坐我天姥下也

**耶溪** 寰宇記在會稽縣東二十八里水經注若耶溪水上承嵯峴麻谿  
木破潭森沈駭觀上有一櫟樹謝靈運與弟惠連常遊之作聯

句題刻樹側麻潭下注若耶溪水至清照衆山倒影窺之如畫

**雲門** 會稽志雲門山在縣南三十里水經注山陰縣南有玉笥竹林雲門天  
柱精舍並疏山創基架林裁宇割澗延流盡泉石之好南史何胤以會

稽山多靈異往遊焉

**青鞋布襪** 送孔巢父詩云南尋禹穴見李白公  
居若耶山雲門寺 方悲亂思孔李輩或在剡中欲往從  
之而不可得故曰我獨胡為有泥濘  
草堂詩箋序于自京赴奉先縣之後

白水縣崔少府十九翁高齋三十韻

天寶十五  
載五月作

客從南縣來浩蕩無與適旅食白日長况當朱炎赫

高齋坐林杪信宿遊衍閒清晨陪躋攀傲睨俯峭壁

崇岡相枕帶曠野懷一作迴咫尺始知賢主人贈此遣

愁寂危堦根青冥曾冰生淅瀝上有無心雲下有欲

落石泉聲聞復急一作息動靜隨所擊陳作激鳥呼藏其身有

似懼彈射吏隱道陳作適情性茲焉其窟宅白水見舅

氏諸翁乃仙伯杖藜長松陰作尉窮谷僻為我炊雕

函道遙展良觀坐久風頗愁一作怒晚來山更碧相對十

丈蛟欬翻盤渦坻何得空裏雷殷殷尋地脉煙氛一作氣

藹齒一作齒峯颺颺森慘戚崑崙崕崕崕峒顛迴首如知不隔



前軒頽一作反照巉絕華岳赤兵氣漲林巒川光雜鋒

鏑知是相公軍鐵馬雲霧一作積玉觴淡無味一豈

強敵長歌激屋梁淚下流衽席人生半哀樂天地有

順逆慨彼萬國夫休明備征狄一作敵猛將紛填委廟謀

蓄長策東郊何時開帶甲且來一作釋欲告清宴罷一作疲

難拒幽明迫三歎酒食旁何由似平昔

白水元和郡國志白水漢衙縣地春秋秦晉戰于彭衙是也後魏置白水郡南臨白水因以為名唐屬同州南縣

謂奉先縣也奉先在白水之南寰宇記蒲城縣本漢重泉縣地後魏分白水縣置南白水縣以在白水之南為名廢帝三年改為蒲城開元中改為奉先縣白水則後魏所置縣及白水郡也

公從奉先而來循其舊名故曰南縣也 仙伯舊注梅福作尉人謂之仙尉故呼少府為仙伯

離宋玉諷賦為臣炊離口之飯大招相公軍天寶十四載祿山反拜哥舒翰為兵

馬副元帥以討祿山明年正月加三歎左傳魏子曰諺曰唯食忘憂同平章事八月翰軍敗于靈寶吾子置食之間三歎何也

三川觀水漲二十韻天寶十五載七月月中避寇時作

我經華原來不復見平陸北上唯土山連天走窮一作

谷火雲無時出一云出無時飛電常在目自多窮岫雨行潦

相脛感翁音音音音川氣黃羣流會空曲清晨望高

浪忽謂陰崖路音音恐泥窠蛟龍登危聚麋鹿枯查卷

拔樹礪魄共充塞聲吹鬼神下勢閱人代速不有萬

穴歸何以尊四瀆及觀泉源漲反懼江海覆漂沙坼

岸去音音激壑松栢禿乘陵陳作破山門迴幹裂一作地軸

交洛赴洪河及關豈信宿應沈數州沒如聽萬室哭

穢濁殊未清風濤怒猶蓄何時通舟車陰氣不一云繫

黷浮生有蕩汨吾道正羈束人寰難容身石壁滑側







毅騎馳突不似我  
軍之恃眾也

西數騎彎弓敢馳突山雪河冰野樊作晚樂蕭颺一作颺  
青是烽一作煙白人骨焉得附書與我軍忍待明年莫

倉卒

青坂

癸卯瑄又率南軍即戰復敗東坡曰瑄既敗猶欲持重有所伺而中人邪延恩等促戰倉皇失據遂及于敗後篇云安得附書與我軍忍待明年莫倉卒青坂地名未詳陳濤斜在咸陽房瑄師次便橋便橋在咸陽縣西南十里架渭水上則青坂去陳濤便橋當不遠太

白窟

太白山在武功縣去長安二百里瑄先分三軍劉琚將中軍自武功入故曰飲馬太白窟茅元儀曰肅宗已入賀蘭進明之誘而使房瑄將兵人主嫌疑于上小人窺伺于下持重有伺焉知非勝機而中人輒敢促戰敗師之罪瑄不任受也瑄以宰相將帥若非主上見疑何至使中人監制若瑄幸而勝則肅宗之疑愈深進明之誘滋甚豈惟不敢望一州他日欲如高力士陳玄禮亦不可得矣瑄既敗帝猶未敢即廢假琴工之事發怒斥之既廢而朝士多言瑄謀包文武可復用帝益不能容由此言之唐世公議猶足重也

哀江頭

少陵野老吞聲哭春日潛行曲江曲江頭宮殿鎖千

門細柳新蒲為誰綠憶昔霓旌下南苑苑中萬物生

顏色昭陽殿裏第一人同輦隨君侍君側輦前才一作詞

人帶弓箭白馬嚼一作齧黃金勒翻身向天一作空仰射雲

一箭考異作笑蔡君謨作發正墜雙飛翼明眸皓齒今何在血污遊

魂歸不得清渭東流劍閣深去住彼此無消息人生

有情淚沾臆江水一作草江花豈終極黃昏四騎塵滿城

欲往城南忘南北一作城少陵

雍錄少陵原在長安縣南四十里宣帝陵在杜陵縣許后葬杜陵南園師古曰即今謂小陵者也去杜陵十八里他書皆作少陵杜甫家焉故自稱杜江頭宮殿舊書文宗能詩常誦杜甫曲江行云

甫家亦曰少陵也百司解署思復昇平故事命細柳新蒲康駢劇談錄曲江池入夏則

濟曲江池為宮殿以壯之南苑即南內典同輦漢書成帝遊于後庭白馬明皇雜錄

可愛南苑慶宮也同輦常欲與班婕妤同輦白馬上幸華清



宋八代三秦一寫沈州

平明既渡渭即令斷便橋辰時至咸陽望賢驛置頓通鑑上出延秋門妃

一辭像名許多

善保三子漢水  
下半篇來

宮貴妃姊妹各購名一箭潘岳射雉賦共賈氏之清渭丙申次馬嵬馬以黃金為銜勒如臯始解頰於一箭賜貴妃自盡驛在興平縣縣在府西百餘里玄宗由便橋度渭自咸陽望馬嵬而西由武功入大散關河池劍閣以達成都陸游筆記欲往城南忘南北言惶惑避死不能記孰為南北也荆公集句兩篇皆作望城北蓋傳本偶異耳北人謂向為望欲往城南乃向城北亦不能記南北之意

箋曰此詩與哀于馬嵬之事專為貴妃而作也蘇黃門曰哀江頭即長恨歌也斯言當矣清渭劍閣寓意于上皇貴妃也玄宗之幸蜀也出延秋門過便橋渡渭自咸陽望馬嵬而西則清渭以西劍閣以東豈非蛾眉宛轉血汚遊魂之處乎故曰去住彼此無消息行宮對月夜雨聞鈴寂寞傷心一言盡之矣人生有精淚沾臆江水江花豈終極即所謂天長地久有時盡此恨綿綿無絕期也興哀于無情之地沈吟感歎蒼亂迷惑雖騎滿城至不知地之南北昔人所謂有情痴也陸放翁但以避死惶惑為言殆亦淺矣

哀王孫

長安城頭頭白鳥一作飛夜飛延秋門上呼又向一作人家啄大屋屋底達官走避口金鞭斷折九馬死骨

肉不待一作得同馳驅腰下寶玦青珊瑚可憐王孫泣路隅問之不肯道姓名但道困苦乞為奴已經百日竄荆棘身上無有完肌膚高帝子孫盡隆一作準龍種自與常人殊豺狼在邑龍在野王孫善保千金軀不敢長語臨交衢且為王孫立斯須昨夜東一作風吹血腥東來素一作駝滿舊都辦方健兒好身行昔何勇銳今何愚竊聞天一作子已傳位聖德北服南單于花門務面請雪恥慎勿出口他人狙一作哀哉王孫慎勿疎五陵佳氣無時無

哀王孫

國忠與貴妃及親屬擁上出親王王妃主皇孫已下多從之不及平明既渡渭即令斷便橋辰時至咸陽望賢驛置頓通鑑上出延秋門妃主皇孫之在外者皆委之而去是日百官猶有人朝者至宮門猶聞漏聲

案

周也



甲申三月三日  
景雲寺開會  
以  
煤山延紅明皇  
淋之曲何似  
湖也

三衛立仗儼然門既啓則宮人亂出中外提  
延秋門雍錄玄宗幸獨  
唐為苑之延秋門在漢為都城直門也既出即由便橋渡渭自咸陽望馬  
窠而西雍錄有漢唐要地參出圖唐禁苑西北包漢長安故城未央宮唐  
後改為通光殿千寶晉紀總論劉淵王彌之亂將相  
西出即延秋門乞為奴  
光武紀未伏符曰史思明傳祿山陷兩京以駱駝  
朔方兵及蕃兵共二十傳位  
萬拒賊敗績于潼關天寶十五載七月肅宗即位于靈武安祿  
企官軍相傳曰皇太子從西來也人皆奔走市肆為空南單于  
紀匈奴萬難日逐王比自立為南單于於是分為南北匈奴建武二十五  
年南單于遣使請關貢獻奉藩稱臣開元中玄宗使郭知運討逐回鶻退  
保烏德健山南去西城一千七百里肅宗即位九月花門  
南幸彭原遣使與回紇和親二載二月其首領入朝有花門山  
至回鶻衙帳務面  
箋曰至德元載九月孫孝哲害霍國長公主永王妃及駙馬楊駙等八十  
人又害皇孫二十餘人並刺其心以祭安慶宗王侯將相扈從入蜀者子  
孫兄弟雖在嬰孩之中皆不免于刑戮當時降逆之臣必有為賊耳目搜  
捕皇孫妃主以獻奉者不獨如孝哲輩為賊寵任者也故曰王孫善保于

金軀又曰哀哉王孫慎勿疎危之也亦戒之也有宋靖康  
之難羣臣為金人搜索趙氏遂無遺種讀此詩如出一轍

### 大雲寺贊公房四首

心在水精域衣霑春雨時洞門盡徐步深院果幽期

到一作屏開復閉撞鐘齋及茲醍醐長發性飲一作飯

食過扶衰把臂有多日開懷無媿辭黃鸝一作鶯度結構

紫鴿下翠恩一作芳意會所適花邊行自遲湯休起

我病微笑索題詩

### 大雲寺

長安志大雲經寺在京城朱雀街南懷遠坊之東南隅本名光  
明寺武后初幸此寺沙門宣政進大雲經中有女主之符因改

### 水精域

江摠大莊嚴寺碑俯看驚電影徹琉璃之道遙拖宛虹光遍水精之域

呼殿棖桷護雀網為翠恩其淺悞如此禮記疏屏天子之廟飾鄭注云屏  
謂之樹今翠恩也列之為雲氣蟲獸如今之關張揖廣雅曰復恩謂之屏  
劉熙釋名曰翠恩在門外翠復也臣將入請事此復重恩王莽遣使壞渭  
陵延陵園門翠恩曰使民無復恩漢也魚豢魏略曰黃初三年祭諸門闕

銘  
三  
字  
次



外界恩臨鐵論曰垣闕恩恩曰樹屏隅角所架也雍錄恩恩鑲木為之其中疏通可以透明或為方空或為連鎖其狀扶疎故曰恩恩其制與青鎖同類顧所施之地不同而名亦隨異在宮闕則為闕上恩恩在陵垣則為陵上恩恩禮記疏屏亦其物也又有網戶者刻為連文通相綴屬其形如網後世遂有直織絲網而張之簷窻以護禽雀者文宗出殿北門裂斷恩恩而去元微之詩網索西臨太液池皆真網也

細軟青絲履光明白氎巾深藏供老宿取用及吾身

自顧轉無趣交情何尚新道林才不世惠遠德過人

雨瀉暮簷竹風吹青井芹天陰對圖畫最覺潤龍

鱗

白氎

後漢南蠻傳哀牢口知染采文繡縹緞白氎

長安志寺內

內有鄭法輪田僧亮楊契丹畫跡張彥遠名畫記大雲寺東浮圖北有塔俗呼為三寶塔隋文帝造馮提伽畫車馬并帳幕人物已剝落東壁北壁鄭法輪畫西壁田僧亮畫外邊四壁楊契丹畫本行經塔東又手下畫僧和雙目隨人物轉盼塔三階下曠野雜獸似是張孝師西南淨土院遊殿僧至妙失人名

燈影照無睡心清聞妙香夜深殿突兀風動金銀鐙  
天黑閉春院地清樓暗芳玉繩迴斷絕鐵鳳森翱翔  
梵放時出寺鐘殘仍殷牀明朝在沃野苦見塵沙黃

時西郊逆賊拒官軍未已

銀鐙

西域傳注銀鐙長鎖也若今之禁繫人鎖

鐵鳳

西京賦鳳鸞翥于鸞標咸遡風

而欲翔薛綜注謂作鐵鳳皇令張兩翼舉頭敷尾以函屋上當棟中央下有轉樞常向風如將飛者長安志寺內有浮圖東西相值

童兒汲井華慣捷

瓶上

手

濡地掃除

似無箒明

晨

霞爛復閣

霧

塞被徑花飄

飄委塤

塔

柳艱難世事追隱遁佳期後晤語契深心

那能總鉗口奉辭還杖策暫別終回首泱泱泥汚

人听听國多狗既未免羈絆時來憇奔走近公如

崔氏東山家詩十一  
真韻二用并字  
山而記一保身



白雪執熱煩何有

井華

本草注井華水平且第一汲者是

複閣

長安志此寺當中寶閣崇百尺時人謂之七寶臺

听听

九辯猛犬

信猜而迎吠竹補注信音根馮已倉曰所疑註切笑貌上林賦無是八然而笑與此意義殊遠蔡夢弼云字當作折按玉篇折音牛佳語斤二切字通信故

引九辯

杜工部集卷之二

已巳年陸榮八次

虞山蒙叟錢謙益

箋註

古詩四十二首

避賊至鳳翔行在及歸鄜州還京師出華州作

蘇端薛復筵簡薛華醉歌

文章有神交有道端復得之名譽早愛客滿堂盡豪

翰作開筵上日作思芳草安得健步移遠梅亂插繁

花向晴昊千里猶殘舊冰雪百壺且試開懷抱垂老

惡聞戰鼓悲急作觴為緩憂心擣少年努力縱談笑

看我形容已枯槁坐中薛華善能醉歌歌辭二云自作

風格老近來海內為無長句汝與山東李白好何劉

沈謝力未工才兼鮑昭愁絕倒諸生頗盡新知樂萬

方曰天寶四年年十月  
安祿山反此詩作于十月  
年正月元且故有聖  
惡聞戰鼓悲急句  
白華留人而生于安  
任城縣後又居祖  
歸各法六遠則公  
白管時或有此稱非  
評也楊用修改存  
山志未詳

能  
急  
信  
也  
用  
意  
深



錄曰此詩...  
三...  
三...  
三...

事終傷不自保氣酣日落西風來願吹野水添一作金  
孟如澆之酒常快意亦如荆作窮愁英華作未安在哉忽憶  
雨時秋井塌古人白骨生青苔如何不飲令心哀

上日尚書正月上日孔安國注上日朔日也急觴謝靈運詩急觴盪幽默山東曾鞏曰白蜀郡人初隱岷

山出居湖漢之間南遊江淮去之齊魯舊史稱白山東人蓋史誤也按舊書白山東人父為任城尉因家焉錢希易南部新書亦同元微之作杜工部墓志亦云山東人李白蓋白隱于徂徠時人皆以山東人稱之故杜詩亦曰山東李白鞏以史為誤而希易反以世稱蜀人為誤皆非也近時楊慎据李陽冰魏顥序欲以為東山李白陽冰云歌詠之際屢稱東山顥云迹類謝康樂世號為李東山此亦偶然題目豈可援据為稱謂乎楊好奇曲說吾所不取  
何劉沈謝梁書何遜文章與劉孝綽並見重于世世謂之何劉  
鮑昭宋景文筆記金陵人得石刻作鮑照唐人諱天后名書照為昭耳

晦日尋崔戢李封晦日謂正月晦日

朝光入甕牖尸一作方寢驚弊裘起行視天宇春氣漸

和柔興來二云得興不暇嬾今晨梳我頭出門無所待徒

步覺自由杖藜復恣意免值公與侯晚定崔李交

會心真罕儔每過得酒傾一作二宅可淹留喜結仁里

權况因令節求李生園欲荒舊一作竹頗修修引客看

掃除隨時成獻酬崔侯初筵色已畏空尊愁未知天

下士至一作性有此不草牙既青出峰聲亦暖遊思見

農器陳何當甲兵休上古葛天民不貽黃屋一作憂至

今阮籍等熟醉為身謀威鳳高其翔一云自長鯨吞九

州地軸為之翻百川皆亂流當歌欲一放淚下恐莫

收濁醪有妙理庶用一云慰沈浮

雨過蘇端端置

之假色

老後晚

去暉遊輝...  
公約...  
不離暖...  
字



一醉向正邊下可苦  
過相也

雞鳴風雨二云交久旱雲一作雨亦好杜藜入春泥無食起

我早諸家憶所歷一作飽一飯二云跡便更云掃蘇侯得數過權

喜每傾倒也復一作憂可憐人呼兒具梨棗濁醪必在眼

盡醉攄懷抱紅稠屋角花碧委一作秀墻隅草親賓縱一作絕

談虎喧鬧畏衰老一作畏况蒙霈澤垂糧粒或自保妻孥

降軍壘撥棄不擬道

蘇端十圖曰端時白衣唐科名記端明春始及第困學記

喜晴喜雨

皇天久不雨既雨晴亦佳出郭眺西郊肅肅一作蕭蕭春增

華青熒陵陂麥窈窕桃李一作春花春夏各有實我飢豈

無涯干戈雖橫放慘澹關龍虵甘澤不猶愈且耕今

未賒丈夫則帶甲婦女終在家力難及黍稷得種菜

與麻千載商山芝往者東門瓜其人骨已朽一作滅此道

誰疵瑕英賢遇輶軻遠引蟠泥沙顧慙昧所適迴首

白日斜漢陰有鹿門滄海有靈一作雲查焉能學衆口咄

咄空一作同咨嗟

陵陂莊子青青之麥生于陵陂

送率府程錄事還鄉程攜酒饌相就取別

鄙夫行衰謝抱病昏妄一作忘集常時往還人記一不識

十程侯晚相遇與語才傑立薰然耳目開頗覺聰明

入千載得鮑叔末契有所及意鍾一作中老柏青義動修

虵螫若人可數見慰我垂白泣告別無淹晷百憂復

是年四月六日



相襲內愧突不黔庶羞以一云庶明似賜給素絲挈長魚碧  
酒隨玉粒途窮見交態世梗悲路澁東風吹春冰決  
莽草堂本作滌后土濕念君惜羽翮既飽更思戢莫作翻雲  
鶻聞呼向禽急

述懷一首

此已下自賊中竄歸鳳翔作

去年潼關破妻子隔絕久今夏草木長脫身得西走  
麻鞋見天子衣袖露兩肘朝廷慙生還親故傷老醜  
涕淚授拾遺流離主恩厚柴門雖得去未忍即開口  
寄書問三川不知家在否比聞同羅禍殺戮到雞狗  
山中漏茅屋誰復依戶牖摧頽蒼松根地冷骨未朽  
幾人全性命盡室豈相偶嶽岑一作猛虎場鬱結迴我

才料拾遺未就即  
是時去鳳翔不遠  
鄜州去鳳翔不遠  
好思其妻子而致

舊是各處三日去  
消息來又未  
佳

首自寄一封書今已十月後反畏消息來寸心亦何  
有漢運初中興生平老耽酒沈思歡會處恐作窮獨  
全一作雙叟一作叟不知家在否

舊書十五載肅宗徵兵靈武甫自京師宵遁赴河西謁肅宗于彭原郡拜  
右拾遺新書天子入蜀甫避走三川肅宗立自鄜州羸服欲奔行在為賊  
所得至德二載亡走鳳翔上拜左拾遺時所在寇奪甫家寓鄜彌年艱  
窶孺弱至餓死因許甫自往省視從還京師唐授左拾遺詔襄陽杜甫  
爾之才德朕深知之今特命為宣義郎行在左拾遺授職之後宜勤是職  
母怠命中書侍郎張錫齋符告諭至德二載五月十六日行右勅用黃  
紙高廣皆可四尺字大二寸許年月有御寶寶方  
五寸許今藏湖廣岳州府平江縣裔孫杜富家  
以草為屨左氏曰菲屨也至周以麻為之謂之麻  
鞋貴賤通者晉宋嘉中以絲為之官中妃嬪皆着

送長孫九侍御赴武威判官

驄馬新鑿蹄銀鞍被來好繡衣黃白郎騎向交河道  
問君適萬里取別何草草天子憂涼州嚴程到須早



去秋群囚反不得無雷掃此行收陳作遺昨風俗方再造族父領元戎名聲國一作中老奪我同官良飄飄按城堡使我不能餐令我惡懷抱若人才思濶溟漲浸一作絕島尊前失詩流塞上得一作國寶皇天悲送遠雲雨白浩浩東郊尚烽火朝野色枯槁西極在亦傾如何正穹昊

涼州 漢置涼州河西五郡皆屬焉武德二年置河西節度使天寶元年改武威郡乾元元年復為涼州 族父 至德二

以武部侍郎杜鴻漸為河西節度使 西極 新書崑崙山亂吐蕃乘隙暴掠至德初取嵩州及武威等諸城入屯石堡

送樊二十三侍御赴漢中判官

威弧不能弦自爾無寧歲川谷血橫流豺狼沸相噬天子從北來長驅振凋敝頓兵岐梁下却跨沙漠裔

二京陷未收四極我得制蕭索一作漢水清緬通淮湖稅使者紛星散王綱尚旒綴南伯從事賢君行立談際生一作知七曜曆手畫三軍勢冰雪淨聰明雷霆走精銳幕府輟諫官朝廷無此一作例至尊方旰食仗爾布嘉惠補闕暮徵入在史晨征一作正當艱難時實藉長久計迴風吹獨樹白日照執袂慟哭蒼煙根山門萬重一作閉居人莽牢落遊子方迢遞徘徊悲生離局促老一世陶唐歌遺民後漢更列一作帝恨無匡復姿一作聊欲從此逝

威弧 天文弧矢星 漢中 漢中古梁州之境唐置梁州天寶元年改漢中郡乾元元年復為梁州 淮湖稅

西都賦東郊則有通溝大漕潰澗洞河泛舟山東控引淮湖通鑑第五琦見上于彭原請以江淮相庸輕貨游江漢而上至洋州令漢中王瑀陸



運至扶風 **七曜曆** 漢志二日月五星爲七曜 **三軍勢** 張千秋隨范明友擊烏桓還大將軍問戰關方  
畧山川形勢千秋口 對兵事畫地成圖

### 送從弟亞赴安西判官

南風作秋聲殺氣薄炎熾盛夏鷹隼擊時危異人至  
令弟草中來蒼然一作請論事詔書引上殿奮舌動天  
意兵法五十家爾腹爲篋笥應對如轉丸疏通畧文  
字經綸皆新語足以正神器宗廟尚爲灰君臣俱一作  
下淚崆峒地無軸青海浩然本天軒輕一作轉西極最瘡  
夷連山暗烽燧帝曰大布衣藉卿佐元帥坐看清流  
沙所以子奉使歸當再前席適遠非歷虛試須存武  
威郡爲畫長久利孤峯石戴驛快馬金纏轡黃羊飮

元帥即書此程族以  
領元戎

不羶蘆一作酒多還醉躑躅常人情慘澹苦士志安邊  
敵何有反正計始遂吾聞駕鼓車不合用騏驥龍吟  
迴其頭夾輔待所致

### 論事

舊書杜亞字次公自云京兆人也少頗涉學善言物理及歷代成敗之事至德初于靈武獻封章言政事授校書郎其年杜鴻漸爲

河西節度辟爲從事累授評事御史

### 兵法

藝文志凡兵書五十三家七百九十篇

### 宗廟

肅宗紀九廟爲賊所焚上入長安素

服哭于清海

元和郡國志北庭都護府西七百里

### 流沙

元和郡國志居延海在張掖縣東北一千六百里即

居延澤古文以爲流沙

### 武威

漢武帝置張掖酒泉燉煌武威四郡昭帝時

斜中在南山之間隔絕西羌西域于時號爲斷匈奴右臂自建武初大獲

而河西獨安天寶元年復爲武威郡是時吐蕃乘間侵擾河西故曰須存

### 石戴

### 黃羊

夢弼注大觀三年郭隨使口常舉此詩以問口使時立愛云黃羊野物可

獵取食

### 蘆酒

糜穀醞成可撥醅取不醉也但力微飲多即醉蘆葦葉作

之不羶 口引口酒干鍾不醉人爲證莊綽雞肋編關右塞上有黃羊無角色類麋鹿人取其皮以爲衾褥有口人造 **鼓車** 南史王融謂宋弁曰若千里斯



至聖上當  
駕鼓車

### 送韋十六評事充同谷郡防禦判官

昔沒賊中時，潛與子同遊。今歸行在所，王事有去留。  
 偏側兵馬間，主憂急良籌。子雖軀幹小，老一作志氣橫九州。  
 挺身艱難際，張目視寇讐。朝廷壯其節，奉詔令參謀。  
 鑿輿駐鳳翔，同谷為咽喉。西扼弱水道，南鎮枹罕。  
一作兵陬此邦承平日，剽劫吏所羞。况乃日未滅，控帶莽  
 悠悠。府中韋使君，道足示懷柔。令姪才俊茂，二美又何求。  
 受詞太白脚，走馬仇池頭。古色一作色沙土裂，積陰雪雲稠。  
一作積雪菟父豪猪靴，一作羌兒青兜裘。晉作漢兵  
 吹角向月窟，蒼山一作山旌旆愁。鳥驚出死樹，龍怒拔老

湫古來無人境，今代橫戈矛。傷哉文儒士，憤激馳林丘。  
 中原正格鬪，後會何緣由。百年賦命定，豈料沈與浮。  
 且復戀良友，握手步道周。論兵遠壑淨，亦可縱冥搜。  
 題詩得秀句，札翰時相投。

同谷

寰宇記秦置隴西郡天寶元年改為同谷郡乾元元年復為成州自至德之後吐蕃侵擾百姓流散諸縣並廢為鎮軀幹

晉書隴上歌隴上健兒有

弱水

元和郡國志弱水在刪丹縣南山下寰宇記弱水東自刪丹縣界流入張掖縣

北二十三里刪丹

枹罕

元和郡國志河州枹罕縣本漢舊縣屬金城郡故罕羌侯邑後魏至唐河州皆治于此水經注

應邵曰故罕羌侯邑也地理志曰離水

使君

鮑日注以為韋宙宙乃舟之出白石縣西塞外東至于枹罕入河

仇池

成州南八十里山曰仇池即白馬羌之處辛氏三秦記曰仇池山上廣百頃地平如砥其南北有山路東西絕壁萬仞上有數萬

家一人守道萬夫莫向山勢自然有樓櫓却敵之狀東西二門盤道可七里上有岡阜泉源史記謂秦得百二之固也西晉末為氏楊茂搜所據立

宮室園倉

豪猪

長楊賦猛熊羆施豪猪本草圖經豪猪鬃間皆為板屋有豪如箭能射人陝洛江東諸山中並有之青兕



君王親發今憚青兕說文  
兕如野牛青皮厚可為鏡  
月窟長楊賦西歷月窟服虔  
日窟音窟月所生也

### 塞蘆子

五城何迢迢迢迢隔河水邊兵盡東征城內空荆杞

思明割懷衛秀巖西未已迴一作迴畧大荒來一作東嶠函蓋

虛爾延州秦北戶關防猶可倚焉得一萬人疾驅塞

蘆子岐一作頂有薛大夫旁制山賊起近聞昆戎徒為退

三百里蘆關扼兩寇深意實在此誰能一作敢叫帝闕陳作門

### 胡行速如鬼

蘆子元和郡國志塞門鎮在延州延昌縣西北三十里鎮本在夏州寧  
朔縣界開元二年移就蘆子關南金鎮所安置蘆子關屬夏州北

去鎮一十八里寰宇記延州天寶元五城沈括云延州今有五城說者

年改為延安郡西南至長安九百里謂善有東西二城夾河對立

高萬典郡始展南北東三關城考杜詩云云乃知天寶中已有五城矣寰

宇記延州東北到隰州黃河界二百二十里會要夏州朔方縣長慶四年

節度使李祐築烏延宥州臨塞陰河東征通鑑祿山反邊兵精銳者  
皆徵發入援謂之行營所

淘子等五城于蘆子關北以護塞外皆徵發入援謂之行營所

薛大夫舊書賊據長安陳  
倉令薛景仙率眾

收扶風郡守之由是關輔豪右皆謀殺賊賊故不敢侵軼通鑑賊遣兵寇

扶風薛景仙擊却之京畿豪傑往往殺賊官吏遙應官軍賊兵力所及者

南不出武關北不過雲陽西不過武功江淮奏請之蜀之靈

武者皆自襄陽取上津路抵扶風道路無壅皆景仙之功也

箋曰是時賊據長安史思明高秀巖重兵趨太原嶠函空虛公以為得延

州精兵萬人塞蘆關而入直擣長安可以立奏收復之功也首言五城荆

杞惜其單虛無兵可用也思明自博陵寇太原舍河北而西故曰割懷衛

秀巖自大同與思明合兵故曰西未已二賊欲取太原長驅朔方河隴而

長安西門之外皆為敵壘故曰迴畧大荒來嶠函蓋虛爾也疾驅塞蘆子

言塞蘆子而疾驅長安非壅塞之塞也薛景仙守扶風關輔響應取道扶

### 彭衙行

天寶  
二年  
二月

北集卷二



方曰... 同... 相... 竟... 暮... 孫... 我... 慢... 坐...  
此詩十一册十三元十五

憶昔避賊初北走經險艱夜深彭衙道一作門月照白水

山盡室久徒步逢人多厚顏參差谷鳥吟一作鳴不見遊

子還癡女饑咬我啼畏虎狼一作虎聞懷中掩其口反側

聲愈嗔小兒強解事故索苦李餐一旬半雷雨泥濘

相牽攀既無禦雨一作濕備徑滑衣又寒有時經一作最契濶

竟日數里間野果充糒糧卑枝成屋椽早行石上水

暮宿天邊烟少留周一作晉作周家窪欲出蘆子關故人有

孫宰高義薄曾雲延客已燠黑張燈啓重門煖湯濯

我足剪紙招我魂從此出妻孥相視涕闌干衆雛爛

慢睡喚起沾盤飧誓將與夫子永結爲弟昆遂空所

坐堂安居奉我懽誰肯艱難際豁達露心肝別來歲

月周□□仍構患何當有翅翎飛去墮爾前

彭衙元和郡國志同州白水縣漢彭衙縣地春秋秦晉戰于彭衙是也寰宇記彭衙故城在白水縣東北六十里闌干息夫

躬絕命詞涕泗流今在關  
臣贊曰桂蘭涕泗關干也

起北征歸至鳳翔置制後來盧曰律念

皇帝二載秋閏八月初吉杜子將北征蒼茫問家室

維時遭艱虞危朝野少暇日顧慙恩私被詔許歸蓬

華拜一作奉辭詣闕下一作門怵惕久未出雖乏諫諍姿恐君

有遺失君誠中興主經緯固密勿東口反未已臣甫

憤所切揮涕戀行在一作途猶恍惚乾坤含一作本瘡

瘼憂虞何時畢靡靡踰阡陌人烟眇蕭瑟一作索所遇多

被傷呻吟更流血迴首鳳翔旌旗晚明滅前發寒

一第... 用... 公... 此... 方... 月... 恩... 謝... 依...  
此詩十一册十三元十五

詩門



此詩乃卷之八  
見也  
此詩乃卷之八  
見也  
此詩乃卷之八  
見也

此詩乃卷之八  
見也  
此詩乃卷之八  
見也  
此詩乃卷之八  
見也

山重屢得飲馬窟邠郊入地底涇水中蕩潏猛虎立

我前蒼崖吼時裂菊垂今秋花石戴一作帶古車轆轤

雲動高興幽事亦可悅山果多瑣細羅生雜橡栗或

紅如丹砂或黑如點漆雨露之所濡甘苦一作酸齊結實

緬一作縹思桃源內益歎身世拙玻陀望廊時巖谷一作巖互

出沒我行已水濱我僕猶木末鳴鳥一作鳥鳴黃桑野鼠

拱亂穴夜深一作中經戰場寒月照白骨潼關百萬師往

者散一作散何卒遂令半秦民殘害為異物况我墜一作墜

塵及歸盡華髮經年至茆屋妻子衣百結慟哭松聲

迴一作迴悲泉共幽一作幽咽平生所嬌兒顏色白勝雪見耶

背面啼垢膩脚不襪床前兩小女補綻才一作綻過郝海

圖拆波濤舊繡移曲折天吳及紫鳳顛倒在裋一作短褐

老夫情懷惡嘔泄一作泄卧數日一作數日邠無一作能囊中帛救

汝寒凜慄粉黛亦解苞衾稠稍羅列瘦妻面復光癡

女頭自櫛學母無不為曉粧隨手抹移時施朱鉛狼

藉畫眉潤生還對童稚似欲忘飢渴問事競挽鬚誰

能卸噴喝翻思在賊愁甘受雜亂聒新歸且慰意生

理焉得說一作說至尊尚蒙塵幾日休練卒仰觀一作觀天色

改坐一作坐覺袂氣一作氣豁陰風西北來慘澹隨回鶻一作鶻其

王願助順其俗善一作善馳突送兵五千人驅馬一萬匹

此輩少為貴四方服勇決所用皆鷹騰破敵過一作過箭

疾聖心頗虛佇時議氣欲奪伊洛指掌收西京不足

此詩乃卷之八  
見也  
此詩乃卷之八  
見也  
此詩乃卷之八  
見也

此詩乃卷之八  
見也  
此詩乃卷之八  
見也  
此詩乃卷之八  
見也



取而系可拔...

能久乎

胡人長于騎射...

取勝初以馬...

有而此古法也...

是月用兵之法...

心有利利交...

引與兩馬同...

憶昨設言朝...

恆服之程

妹如許在什...

後...

聖上夏殿...

奉曰...

若新...

若新...

拔官軍請深入蓄銳何一作可噴浩俱發此舉開青徐旋

瞻畧恒碣昊天積霜露正氣有肅殺禍轉亡然本作何歲勢

成擒○月○命其能久皇綱未宜絕憶昨狼狽初事

與古先別姦臣竟菹醢同惡隨蕩折不聞夏殷當作衰

中自誅褒姒周漢獲再興宣光果明哲桓桓陳將軍

仗鉞奮忠烈微爾人盡非于今國猶活凄涼大同殿

寂寞白獸闈都人望翠華佳氣向金闕園陵固有神

掃灑數不缺煌煌太宗業樹立甚宏達第四節

北征流別論曰更始時班彪避難涼州發長安至安定作北鄜時元和

志漢為上郡離陰縣之地後魏為鄜州因秦文公夢黃蛇自天降屬于

地遂于鄜衍立鄜時為各天寶元年改為洛交郡乾元元年復為鄜州

吳伯虎身人面八尾八足背黃青色畫眉潤劉續事錄云唐時

云狼藉畫眉潤張籍倡女詞有輕鬢叢梳潤掃眉之

句蓋當時所尚如此諺曰宮中好廣眉四方且半額

太子葉護領兵馬四千餘眾助國討逆肅宗宴賜甚厚命廣平見葉護約

為兄弟葉護大喜謂王為兄同收西京十月從廣平郭子儀入東京唐書

回鶻北○種隋曰韋紇亦曰回紇元和四○擒○月西陽雜俎祿山反

年遣使請改回鶻義取回紇輕捷如鶻也

太白人月敵可摧及

祿山死太白蝕月

誅褒姒魏泰曰唐人詠馬嵬事劉禹錫則曰官

軍不發無奈何宛轉蛾眉馬前死此乃歌詠官軍而明皇不得已誅貴妃

也豈特不曉文體蓋亦失事君之禮老杜則不然曰憶昨狼狽初事與古

根

根

根

根

根

根

根

根

根

根

根

根

根

根

根

根

根

根

根

根

根

根

根

根

根

根



得舍弟消息

風吹紫荆樹色與春庭暮花落辭故枝風迴返無處  
骨肉恩書重漂泊難相遇猶有淚成河經天復東注

紫荆樹

陸士衡豫章行  
三荆歡同株

徒步歸行

贈李特進自鳳翔赴  
鄭州途經邠州作

明公壯年值時危經濟實藉英雄姿國之社稷今若  
是武定禍亂非公誰鳳翔千官且飽飯衣馬不復能  
輕肥青袍朝士最困者白頭拾遺徒步歸人生交契  
無老少論交一作何必先同調妻子山中哭向天須公  
櫪上追風驃

輕肥

時當肅宗括馬之後  
故曰不復能輕肥也

追風

古今注始皇七  
日追風

驃

說文驃黃馬  
白色一日自驃

尾廣韻馬黃  
白色曰驃

玉華宮

溪迴

一作

松風長蒼鼠窺古瓦不知何王殿遺構絕壁

下陰房鬼火青環道哀湍瀉萬籟真筍笋

一作

秋色

正

一作

蕭灑美人為黃土况乃粉黛假當時侍金輿

故物獨石馬息來藉草坐浩歌淚盈把冉冉征途間

誰是長年者

玉華宮

貞觀二十一年七月作玉華宮詔王華宮制度務從菲薄更令  
甲版二十二年詔曰即潤疏陸憑嚴建宇土無文繪木不雕鏤

橋鋪首以荆扉變綺窗于甕牖地理志貞觀二十年置玉華宮在坊州宜

君縣北七里鳳凰谷永徽二年廢為玉華寺寰宇記廢玉華宮在坊州宜

君縣西四十里貞觀十七年置正殿覆瓦

餘皆葺茅當時以為清涼勝于九成宮

者鬼

火

玉華宮曰玉華宮近  
有晉符堅墓  
方曰此詩亦八句亦有古  
荒涼後八句信人物用  
謝美人也呈殿中泥  
相者石馬是  
排列者當時侍  
物本朝七遠  
少  
人  
出  
籍  
更  
黃

火

者鬼

德  
百  
西  
安



九成宮

蒼山入百里崖斷如杵曰曾宮憑風迴一作岌業土囊

口立神扶棟梁一作鑿翠開戶牖其陽產靈芝其陰宿

牛斗紛披一作長松倒一作揭巖怪石走哀猿啼一聲客

淚迸林藪荒哉隋家帝製此今頽朽向使國不亡焉

為巨唐有雖無新增修尚置官居守巡非瑤水遠跡

是雕牆後我行一作屬時危仰望嗟歎久天王守晉鼎並

音符 太白駐馬更搔一作首

九成宮

寰宇記在麟遊縣西一里本隋仁壽宮開皇十三年楊素于岐山北建平山堙谷館宇相屬督役嚴急作者多死高祖不悅及幸新宮遊觀乃喜貞觀五年復舊宮以備消暑改名九成宮

神魯靈光殿賦神靈扶其棟宇

置官

地理志云周垣千八百步并置禁苑及府庫官寺等

土囊

風賦風生于地浸淫谷盛怒于土囊之口注谷口也

立

古曰此宮名曰九成宮  
西見上卷不續其韻  
感于所事之山而宮  
蕭索之聲多如時  
常到山此好  
此種之之似穩地  
宮殿修不盡  
紀多甚白塔  
之成笑玄宗  
好時不能作  
常到山此好  
此種之之似穩地  
宮殿修不盡  
紀多甚白塔  
之成笑玄宗  
好時不能作

成宮隋之仁壽宮也冠山抗殿絕壑為池跨水架楹分巖竦闕高閣周建長廊四起棟宇膠葛臺榭參差仰視則遠邐百尋下臨則崢嶸千仞珠璧交映金碧相輝照灼雲霞蔽虧日月觀其移山迴澗窮泰極後以人從欲良足深尤地理志鳳翔郿縣有太白山贈秦少府歌去年行宮當太白

羌村

三首

崢嶸赤雲西日脚下平地柴門鳥雀噪歸客二云千里

至妻孥怪我在驚定一作還拭淚世亂遭飄蕩生還偶

然遂鄰人滿牆頭感歎亦歔歔夜闌更秉燭相對如

夢寐

更

冷齋詩話言更互秉燭也陸放翁云夜深宜睡而復秉燭見久客喜歸之意惠洪讀平聲安也

晚歲迫偷生還家少歡趣嬌兒不離鄰畏我復却去

憶昔好一作追涼故繞池邊樹蕭蕭北風勁撫事煎百

古曰此宮名曰九成宮  
西見上卷不續其韻  
感于所事之山而宮  
蕭索之聲多如時  
常到山此好  
此種之之似穩地  
宮殿修不盡  
紀多甚白塔  
之成笑玄宗  
好時不能作  
常到山此好  
此種之之似穩地  
宮殿修不盡  
紀多甚白塔  
之成笑玄宗  
好時不能作



西家入程類集以上往  
之得曰元卿約是月  
序子為序

守村莊者其况

慮賴知禾黍一作黍稌收已覺糟牀注如今足斟酌且  
用慰遲暮忽亂叫客至雞鬪爭正云驅雞上樹木始聞扣  
柴荆父老四五人問我以遠行手中各有携傾榼濁  
復清苦莫辭酒味薄黍地無人耕兵革既未息兒童  
郎盡東征請為父老歌艱難媿深一作情歌罷仰天歎  
四座淚縱橫

古學之明日

偏仄行贈畢曜

一云德德行篇中字亦作  
德德英華作贈畢四曜

偏仄何偏仄我居巷南子巷北可恨鄰里間十日不  
一見顏色自從官馬送還官行路難行澁如棘我貧  
無乘非無足昔者相過今不得實不是一作愛微軀云備  
相訪

三體故自內...  
人...可知...  
于...  
元...  
樂...  
不可...  
上...  
巷...  
里...  
六...  
往...

又非關足無力徒步翻愁官長怒此心炯炯君應識  
曉來急雨春風顛睡美不聞鐘鼓傳東家蹇驢許借  
我泥滑不敢騎朝天已令請急會通籍云已令把  
牒還請假男兒  
信一作命絕可憐焉能終日心拳拳憶君誦詩神凜然  
辛夷始花亦一作已落況我與子非壯年街頭酒價常  
苦貴方外酒徒稀醉眠速宜一作相就飲一斗恰有三  
百青銅錢

偏仄

上林賦偏側泌滌司  
馬彪曰偏側相逼也

官馬

至德二載二月上幸鳳翔議大舉收  
復兩京盡括公私馬以助軍給事中

李廙署云無馬大夫崔光  
遠劾之貶廙江華太守

請急

晉令急假者五日一急一歲中以六十  
日為限元熹起居注云請急跨月有違

憲制唐令諸京官請假職事三品  
以上給三日五品以上給十日

通籍

元帝紀注籍者為二尺竹牒記  
其年紀名字物色懸之宮門省

禁相應乃  
得入也

相就

鮑照行路難且願得志數  
相就牀頭恒有沽酒錢

三百

鶴曰唐初無酒禁乾  
元二年京師酒貴肅

便信野人相就



宗以廩食方缺乃禁京城酤酒建中三年置肆釀酒斛收直三千貞元二年斗錢百五十真宗開唐時酒價丁晉公引此詩以對丁蓋知詩而未知史也

送李校書二十六韻

代北有豪鷹生子毛盡赤渥注騏驎兒種一作尤異是龍

脊李舟名父子清峻流時一作輩伯人間好少一作年不

必須白哲十五富文史十八足賓客十九授校書二

十聲輝一作輝赫衆中每一見使我潛動魄自恐二男

兒辛勤養無益乾元元一作年春萬姓始安宅舟也衣

綵衣告我欲遠適倚門固有望歛衽就行役南登吟

白華已見楚山碧藹藹咸陽都冠蓋日雲一作積何時

太夫人堂上會親戚汝翁草明光天子正前席歸期

豈爛漫別意終感激顧我蓬屋姿謬通金閨一作籍小

來習性嬾晚節一作慵轉劇每愁悔吝作如覺天地窄

羨君齒髮新行已能夕惕臨岐意頗切對酒不能喫

迴身視綠野慘澹如荒澤老鴈春忍一作饑哀號待枯

麥時哉高飛鷺絢練新羽翮長雲濕袞斜漢水饒巨

石無令軒車遲衰疾悲夙昔

李舟宗室世系表舟字公受處州刺史隴西縣男父岑水部郎中眉州刺史石表先友記李舟隴西人有文學俊辯高志氣以尚書郎使

危疑反側者再不辱命其道大顯被讒妬出為刺史廢痼卒李肇國史補初恢諾自賀知章輕薄自祖詠近代機警有李舟張彧又云李舟好事嘗得村舍烟竹截

以爲笛堅如鐵石袞斜西都賦注袞斜谷在長安西南南

洗兵馬收京後作

中興諸將收山東捷書日荆作夜報清晝同河廣傳聞

葦過□危命在破竹中祗殘鄴城不日得獨任朔

方曰此詩在四段中  
豈爛漫別意終感激顧我蓬屋姿謬通金閨籍小



平只相州亦不其日可  
復矣二留書成至孝  
思德恢復之功  
用朝儀道  
下竹復山以瑞  
德以有  
若面官  
三君  
官不  
有志  
此  
似

方無限功京師皆騎汗血馬回紇餵肉葡萄宮已喜

皇威清海岱常思仙仗過崆峒三年笛裏關山月萬

國兵前草木風成王功大心轉小郭相謀深一作謀猷

古來少司徒清鑿懸明鏡尚書氣與秋天杳二三豪

俊為時出整頓乾坤濟時了東走無復憶鱸魚南飛

覺有安巢鳥青春復隨冠冕入紫禁紫禁正耐烟花繞

鶴禁通霄鳳輦備鷄鳴問寢龍樓一作曉攀龍附鳳勢

不得誇身強關中既畱蕭丞相幕下復用張子房張

公一生江海客身長九尺鬚眉蒼徵起適遇風雲會

扶顛始知籌策良青袍白馬更何有後漢今周喜再

梁南台洗兵  
雨送陣出  
悲以陰  
首以水刷馬

昌寸地尺天皆入貢奇祥異端爭來送不知何國致

白環復道諸山得銀甕隱士休歌紫芝曲詞人解西

撰河清善本頌田家望望惜雨乾布穀處處催春種

淇上健兒歸莫嬾城南思婦愁多夢安得壯士挽天

河淨洗甲兵長不用洗兵

洗兵馬西溪叢語左思魏都賦洗兵海島刷馬江洲六韜武王問太公

雨散宜生諫曰此非妖與王曰非也天洗兵也說苑武王伐紂風霽而乘以大

魏武兵要曰大將將行雨濕衣冠是謂洗兵

戰于陝城之新店官軍與回紇夾擊大敗之安朔方舊書肅宗大閱六軍

慶緒自苑門夜遁走河北保鄴郡廣平王入東京

房瑄敗于陳陶斜方事討除而蒲萄宮葉護自東京還宴之于宣政殿漢

軍半殫惟倚朔方軍為根本

林蒲崆峒雍錄崆峒山在隴州高平縣即笄頭山涇水之所發源也元和

志隴山在隴州隴山之北即靈州靈州即靈武也肅宗即位靈

武南回自原州入即崆峒在回鑿之地矣南部新書崆峒

山在松州屬隴州西北界蜀破後路不通即古之空桐也

關山月樂府解

題關山



月傷別 **成王** 乾元元年三月廣平王叔自楚 **郭相** 吳若本注 司徒

李光 **尚書** 僕固懷恩或云王恩禮收兩京遷戶部尚書懷恩雖有功止詔

亦與此詩語合 **鶴禁** 類聚太子晉乘白鶴仙去後世稱太子之駕曰

居之地凡人不得 **問寢** 肅宗即位下制曰復宗廟于函維迎上皇于巴

皇至自蜀即日幸興慶宮肅宗請歸東宮不許此詩援據寢門之詔引太

子東朝之禮以諷諭也鶴駕龍樓不欲其成乎為君也顏魯公天下放生

池碑云迎上皇于西蜀申子道于中京一日三朝大明天子之孝問安侍

膳不改家人之禮東坡云魯公知肅宗有愧于是故以此諫也高力士傳

太上皇至鳳翔賊臣李輔國詔收隨駕甲仗上曰歸至皇城安用此物悉

令收付所由輔國趨馳末品小了織人一承攀附之恩致位雲霄之上欲

仗之端莫不由此 **龍樓** 成帝初居桂宮上嘗急召太子出龍樓門不

龍樓而 **攀龍附鳳** 是時方加封蜀郡靈武元從功臣肅宗之意獨厚

一承攀附之恩致位雲霄之上是也豈知蒙帝力不得誇身 **蕭丞相**

強介子推所謂 **張子房** 蕭丞相指房瑄也瑄自蜀郡奉册雷相肅宗故曰既雷或以謂

指杜鴻漸據新書卿乃吾蕭何之語非也瑄既罷張錡代瑄為

相故曰復用張子房瑄以至德二載五月罷相以錡代八月出錡于河南

次年五月錡罷六月瑄貶邠州瑄錡皆上皇舊臣遣赴行在肅宗疑之則

之而不 **張公** 舊書錡風儀魁岸廓落有大志好譚王霸大畧自褐衣拜

終者也 **張公** 左拾遺立宗幸蜀自山谷徒步扈從立宗遣赴行在至鳳

翔奏議多有弘益拜諫議大夫尋代房瑄為相獨孤及張公頌隱居終南

蓋三十暮天寶十四載始褐衣召見令狐岷顏真卿墓志在平原常薦安

陵處士張錡有公輔之 **青袍白馬** 梁書侯景傳普通中童謠曰青絲

望數年後錡位列鼎司 **青袍白馬** 白馬壽陽來後景果乘白馬兵皆

青衣哀江南賦青

袍如草白馬如練 **白環銀甕** 竹書紀年帝舜九年西王母來朝獻白

環如玉玦馬融廣成頌受王母之玉環禮

運山出器車鄭氏注謂若銀甕丹甕孝 **紫芝之曲** 隱士謂李泌也肅宗

經援神契神靈滋液有銀甕不汲自滿 **紫芝之曲** 即位八九日泌謂見

于靈武調護立肅父子之間為張良姊李輔國所惡及上皇東行有日泌

求歸山不已乃聽歸衡山公以四皓擬泌不獨著其羽翼之功蓋亦以正

肅宗為太子之名也收京詩 **河清頌** 宋元嘉中河濟俱清鮑照為河

云羽翼懷商老其意深如此 **河清頌** 清頌其序甚工是時文士爭獻

歌頌如楊炎靈武受命

鳳翔出師之類是也

箋曰沈兵馬刺肅宗也刺其不能盡子道且不能信任父之賢臣以致太

平也首叙中興諸將之功而即繼之曰已喜皇威清海岱常思仙仗過崆

峒崆峒者朔方回鑿之地安不忘危所謂願君無忘其在昔也兩京收復

鑿與反正紫禁依然寢門無恙整頓乾坤皆二三豪俊之力于靈武諸人

士集卷二

七



此等後漢後周  
彭高為五人倫  
不可不知春秋

何與諸人微天之幸攀龍附鳳化為侯王又欲開猜阻之際建非常之功豈非所謂貪天功以為己力者乎斥之曰汝等賤而惡之之辭也當是時內則張良姊李輔國外則崔圓賀蘭進明輩皆逢君之惡忌疾蜀郡元從之臣而立宗舊臣遣赴行在一時物望最重者無如房瑄張鎬瑄既以進明之譖罷去鎬雖繼相而旋出亦不能久于其位故章末諄復言之青袍白馬以下言能終用鎬則扶顛籌策太平之效可以坐致如此望之也亦憂之也非尋常頌禱之詞也張公一生以下獨詳于張者瑄已罷矣猶望其專用鎬也是時李鄴侯亦先去矣泌亦瑄鎬一流人也泌之告肅宗也一則曰陛下家事必待上皇一則曰上皇不來矣泌雖在肅宗左右寔乃心上皇瑄之敗泌力為營救肅宗必心疑之泌之力辭還山以避禍也鎬等終用則泌亦當復出故曰隱士休歌紫芝曲也兩京既復諸將之能事畢矣故曰整頓乾坤濟時了收京之後洗兵馬以致太平此賢相之任也而肅宗以譏猜之故不能信用其父之賢臣故曰安得壯士挽天河淨洗甲兵常不用蓋至是而太平之望益邈矣嗚呼傷哉公之自拾遺移官以上疏救房瑄也瑄風負重名馳驅奉冊肅宗以其為上皇建議諸子悉領大藩心忌而惡之乾元元年六月下詔貶瑄并及劉秩嚴武等以瑄黨也舊書甫本傳云房瑄布衣時與甫善瑄罷相甫上言瑄不宜罷肅宗怒貶瑄為刺史出甫為華州司功參軍按杜集有至德二載六月奉謝口敕放三司推問狀蓋瑄罷相時公抗疏論救詔三司推問以張鎬救赦放就列至次年六月復與瑄俱貶也然而詔書不及者以官卑耳鎬代瑄相亦罷亦坐瑄黨也公流落劍外卒依嚴武拜房相之墓哭其旅榘而肅代間論事則于封建三致意焉此公一生出處事君交友之

大節而後世罕有知之者則以房瑄之生平為唐史抹殺而肅宗之逆狀隱而未暴故也史稱瑄登相位奪將權聚浮薄之徒敗軍旅之事又言其高談虛論招納賓客因董庭蘭以招納貨賄若以周行具悉之詔為金科玉條者瑄以宰相自請討賊可謂之奪將權乎劉秩固不足當曳落河王之言而史顧以此坐瑄乎請循本而論之肅宗擅立之後猜忌其父因而猜忌其父所遣之臣而瑄其尤也賀蘭進明之譖瑄曰瑄昨于南朝為聖皇制置天下于聖皇為忠于陛下則非忠聖皇于陛下何人也而敢以忠不忠為言其仇讐視父之心進明深知之矣李輔國之言曰陳玄禮高力士謀不利于陛下六軍將士盡靈武功臣皆反从不安瑄與鎬在朝何啻十立禮百力士肅宗志豈嘗斯須忘之是故瑄之將兵知不安其位而以危事自效也許之將而又使人監之不欲其專兵也又使其進退不得自便也敗兵之後不即去而以琴客之事罷俾正衙門彈劾以穢其名也罷瑄而相鎬不得已而從人望也五月相八月即出之河南不欲其久于內也六月貶瑄而五月先罷鎬汲汲乎惟恐鋤之不盡也瑄敗師而罷鎬有功而亦罷意不在乎功罪也自漢以來鈞黨之事多矣未有人主自鈞黨者未有人主鈞其父之臣以為黨而文致罪狀榜在朝堂以明欺天下後世者六月之詔豈不大異哉肅宗之事上皇視漢宣帝之于昌邑其心內忌不啻過之幽居西內辟穀成疾與主父之探雀穀何異移仗之日玄宗呼力士曰微將軍阿瞞幾為兵死鬼矣論至于此當與商臣隋廣同服上刑許世子止豈足道哉唐史有隱于肅宗歸其獄于輔國而後世讀史者無異辭可馬公通鑑乃特書曰令萬安咸宜二公主視服膳四方所獻



珍異先薦上皇嗚呼斯豈李輔國所謂匹夫之孝乎何儒者之易愚也余讀杜詩感雞鳴問寢之語考信唐史房琯被譖之故故牽連書之如此

留花門

北門一作北方天驕子飽肉氣勇決高秋馬肥健挾矢射

漢月自古以為患詩人厭薄伐脩德使其來羈縻固

不絕為傾國至出入暗金關中原有驅除隱忍用

此物公主歌黃鵠君王指白日連雲屯左輔百里見

積雪長戟鳥休飛哀笳曙一作曉幽咽田家最恐懼麥倒

桑枝折沙苑臨清渭泉香草豐潔渡河不用船千騎

常撒烈一作激沒正塵踰太行雜種抵京室花門既須

留原野轉蕭瑟

花門唐地理志甘肅州領縣二張掖剛丹剛丹縣北渡張掖河西行出合黎山峽口傍河東端屈曲東北行千里有寧寇軍故同城守據

讀曰步... 中... 久... 日... 地... 見... 心... 出...

白... 白... 白...

也軍之東北有居延海又北三百里有花門山堡又東北千里至回紇衙  
帳蓋花門在回紇東南置堡于此所以為控扼也岑參送封常清西征序  
曰天寶中匈奴回紇寇邊踰花門公主乾元元年七月上以幼女寧國公主妻回紇可汗送至咸陽磁門驛公主辭訣曰國家事重歎且無恨上流涕而還黃鵠文苑辨證鄭倍送金城公主適西蕃詩貴主想黃鵠馬則鳴鶴通用不可輕改藝文類聚有鶴無鶴亦一証也積雪沙苑白沙有百餘里故曰百里見大防云回紇人衣冠皆白故云此無稽之言耳沙苑肅宗還西京葉護歸奏曰回紇戰兵留范陽撤烈上林賦轉騰撤烈孟康曰撤烈相撤也漢臯詩話撤振病餘孽撤烈貌大食刀歌鬼物撤振辭坑壕字意皆同舊作撤烈非也踰

大行安祿山事迹元年己亥正月一日思明于魏州自立為燕王年號順天引兵掠相州官軍敗績雜種思明營州本名率于玄宗改為思明其年九月又收大梁陷我洛陽故云抵京室

病後遇王倚飲贈歌

麟角一作鱗魚鳳背世莫識一作辨煎膠續弦奇句一作尚看王生

抱此懷在于甫也何由美且遇王生慰疇昔素知賤

此... 此... 此...



子甘貧賤酷見凍一作陳餒不足恥多病沈年苦無健王

生怪我顏色惡一作伏枕艱難徧瘡癘三秋孰可忍

寒熱百日相交戰頭白眼暗坐有胝肉黃皮皺命如

綫惟生哀我未平復為我加致美肴膳遣人向市賒

香粳喚婦出房親白饌長安冬菹酸且綠金城土酥

靜如練兼求富豪一作富蒙且割鮮密沽斗酒諧終宴

故人情義一作味晚誰似令我手脚輕欲旋一作旋老馬為駒

信一作總不虛當時得意况深眷但使殘年飽喫飯只願

無事常相見

煎膠一作洲記鳳麟洲在西海之中央洲上專多鳳麟數萬合群亦多仙

弓弩斷弦也劍折亦以膠連之喻王土酥一作西河舊事祈連山在張掖酒

酪釀好夏瀉酪不用器物刈草著其上不解散作酥特好一斛酪得酥斗餘金城塞在酒泉郡故曰金城土酥老馬一作角弓老馬顧其後注已老矣而孩童慢之箋云此喻幽王見人反侮慢之遇之如幼稚不自顧念後至年老人之遇已亦將然也公引此詩以見王生情義之厚不以老而慢我會孟云謂老馬反如駒之健啖其糝棄箋注敢為曲說如此

湖城東遇孟雲卿復歸劉顥宅宿宴飲散因為

醉歌一作涼本題上有冬末

疾風吹塵暗河縣行子隔手不相見湖城城南一作東

開眼駐馬偶識雲卿面非劉顥為地主嬾迴鞭轡

成高一作城南宴劉侯歎一作歡我携客來置酒張燈促華饌且

將欵曲終今夕一作今冬休語一作話艱難尚酣戰照室紅爐

促曙光一作英華紫窓素月垂文一作秋練天開地裂長安陌

春一作寒盡春生一作二云紫洛陽殿豈知驅車復同軌可惜刻



漏隨更箭人生會合不可常庭樹雞鳴淚如綫一云

湖城元和郡國志湖城縣屬虢州寰宇記舊曰湖縣宋改為湖城孟雲卿唐詩紀事孟雲卿河南人與杜子美元次

山最善元次山送孟校書往南海云雲卿與次山同州里以詞學相友少次山六七歲

期悵何許泪下如流霰吳若本注楚辭淚下

### 閔鄉姜七少府設餽戲贈長歌

姜侯設餽當嚴冬昨日今日皆天風河凍未漁一云取

黃河美魚一云黃河不易得鑿冰恐侵河伯宮饗人受魚鮫

人手洗魚磨刀魚眼紅無聲細下飛碎一作雪有骨已

剝菹平聲春葱偏勸腹腴愧年少軟炊香飯一作緣老翁

落礎何曾白紙濕放筋未覺金盤空新歡便飽姜侯

德清觴異味情屢極東歸貪一作路自覺難欲別上馬

身無力可憐為人好心事於我見子真顏色不恨我  
衰子貴時悵望且為今相憶

閔鄉元和郡國志本漢湖縣地開皇十六年移湖城縣于今所改名閔鄉縣屬陝州唐屬虢州閔古閔字說文從門受聲趙俣曰公背冬

涉春行度潼關東至洛陽閔鄉初出潼關道也按潘岳西

征賦發閔鄉而警策遡黃巷以濟潼此即公往來道也

有山臨城謂之崆嶺丘其下有穴謂之鞏穴言潛通浦北達于河直穴有

渚謂之鮪渚成公子安大河賦曰鮪鯉王鮪莫來遊周禮春薦鮪然非時

及他處味魚潘淳詩話韓玉汝云河中府三面是黃河唯碎雪七啓

則無味魚似鮪而肥短味亦美杜詩味魚謂此

疊穀離若散雪輕隨風飛又不轉切七命紅肌綺

散素膚雪落潘安仁西征賦饗人細切鑿刀若飛

禮記冬右腴鄭氏曰腴腹

### 戲贈閔鄉秦少公

去年行宮當一作太白朝迴君是同舍客同心不減骨

肉親每語見許文章伯今日時清兩京道相逢苦覺



人情好昨夜邀歡樂更無多才依舊能潦倒

潦倒

北史崔瞻傳魏天保以後重吏事謂容止蘊藉者為潦倒而瞻終不改焉此正用北史語能潦倒猶言其醜藉如故也

李鄴縣丈人馬行

丈人駿馬名□騮前年避□一作賊過金牛迴鞭却走見

天子朝飲漢水暮靈州自矜□騮奇絕代乘出千人

萬人愛一聞說盡急難材轉益愁向駕駘輩頭上銳

耳批秋竹脚下高蹄削寒玉始知神龍別有種不比

俗一作凡馬空多肉洛陽大道時再清累日喜得俱東行

鳳臆龍鬢

一作龍麟一作麟鬢

未易識側身注目長風生

金牛

元和郡國志梁州金牛縣武德二年分綿谷縣通谷鎮置取秦五丁力士石牛出金為名

漢水

嶓冢山在金牛縣東

二十八里

銳耳

齊民要術耳欲小而銳如削筒相去欲促又漢水所出耳欲得小而促狀如斬竹筒耳方者千里

義鶻

宋刻諸本皆曰義鶻行惟吳若本無行字

陰崖有蒼一作鷹養子黑栢顛白虵登其巢吞噬一作之恣

資一作朝餐雄飛遠求食雌者鳴辛酸力強不可制黃口

無一作半存其父從西歸一作來翻身入長烟斯須領健鶻

痛憤一云憤懣一云冤憤寄所宣斗上捩孤影噉一作無聲來九天修

鱗脫遠枝巨顛拆老拳高空得蹭蹬短一作茂草辭蜿蜒

折尾能一作能掉飽腸皆一作今已一作以一云已皆穿生雖滅眾雛

死亦垂千年物情有報復快意貴目前茲實鷲鳥最

急難心炯一作皎然功成失所往一作在用捨何其賢近經滴

水滄此事樵夫一作人傳飄蕭覺素髮凜欲一作烈衝儒冠

人生許與一云計有分只在一云亦存顧盼間聊為義鶻行用一作永激

方曰此詩... 樂府詩集... 卷之... 夫傳說明... 之於此... 乃... 須知此

倒數 掃字



壯士肝

老拳

晉載記石勒引李陽臂笑曰孤往日厭卿老拳卿亦飽孤毒手

壯士肝

漫叟詩話肝主怒故云永激壯士肝

畫鵑行

一作畫鵑

高堂見生

一作老

鵑颯爽動秋骨初驚無拘攣

一作卷

何得立

突兀乃知畫師妙功

一作巧

刮造化窟寫作

一作此

神俊姿充

君眼中物烏鵲滿樛枝軒然恐其出側腦看青霄寧

為眾禽沒長翮如刀劍人寰可超越乾坤空崢嶸粉

墨且蕭瑟緬思

一作想

雲沙際自有烟霧質吾今意何傷

顧步獨紆鬱

瘦馬行

英華作老馬

東郊瘦

一作老

馬使我傷骨骼

一作骸

碑兀如堵牆絆之欲動

題畫  
知是生  
鵑  
知是生

何文房原作

轉欹側此豈有意仍騰驤細看六印帶官字眾道

三官

軍遺路旁皮乾剝落雜

一作盡

泥滓毛暗蕭條連雪

霜去歲奔波逐餘寇驂騮不慣不得將士卒多騎內

廐馬惆悵恐是病乘黃當時歷塊誤一蹶委棄非汝

能

一作難

周防見人慘澹若哀訴失主錯莫無晶光天寒

遠放雁為伴

一作侶

日暮不

一作未

收烏啄瘡

一云不衣

誰家且養

願終惠更試明年春草長

騰驤

而騰驤

六印

唐六典諸牧監凡在牧之馬皆印印右膊以小官字右髀以年辰尾側以監名皆依左右

廂若形各端正擬送尚乘不用監名二歲始春則量其力又以飛字印印其左髀髀細馬次馬以龍形印印其項左送尚乘者尾側依左右閉印以

三花其餘雜馬送尚乘者以風字印印左膊以飛字印印左髀官馬賜人者以賜字印配諸軍及充傳送驛者以出字印並印左右頰也

黃

唐六典乘黃署令一人齊職儀云乘黃獸名也龍翼馬身黃帝乘之而仙故以各廐

終養

緒白馬賦願終惠養蔭本校兮傳立



續曰此詩似祖  
木蘭軍古詩來

乘輿馬賦往日劉備之初降也太祖賜之驄馬使自至廐選之歷名馬以百數莫可意者次至下廐有的顧馬委棄莫視瘦瘠骨立備撫而取之舊注云此詩為房瑄而作也至德二載貶瑄為太子少師瑄既在散地朝臣多以為言瑄亦自言有文武之用合當國家驅策公嘗疏救之而不得故作是詩此似幕府求知之語非指瑄也

**新安吏** 收京後作雜收  
兩京賊猶充斥

客行新安道喧呼聞點兵借問新安吏縣小更無丁  
府帖一作昨夜下次選中男行中男絕短小何以守  
王城肥男有母送瘦男獨伶俜白水暮東流青山猶  
哭聲莫自使眼枯收汝淚縱橫眼枯即見骨天  
地終無情我軍取一作至相州日夕望其平豈意賊難料  
歸軍星散營就糧近故壘練卒依舊京掘壕不到水  
牧一作有馬役亦輕况乃王師順撫養甚分明送行勿泣

血 哭 聲 莫 自 使 眼 枯 收 汝 淚 縱 橫 眼 枯 即 見 骨 天 地 終 無 情 我 軍 取 相 州 日 夕 望 其 平 豈 意 賊 難 料 歸 軍 星 散 營 就 糧 近 故 壘 練 卒 依 舊 京 掘 壕 不 到 水 牧 馬 役 亦 輕 况 乃 王 師 順 撫 養 甚 分 明 送 行 勿 泣

血一作垂泣僕射如父兄

**新安** 元和郡國志本漢舊縣屬弘農郡貞觀元年屬河南府  
武德元年以魏郡置相州天寶元年改為鄴郡乾元元年復為相州二年  
改為鄴城乾元二年三月九節度之帥敗于安陽河北通鑑九節度圍鄴  
城自冬涉春慶緒食盡一鼠直錢四千淘墻堞及馬矢以食馬克在朝夕  
而諸軍既無統帥城久不下上下解體思自魏州引兵趨鄴每營選精  
騎五百日子城下抄掠官軍出輒散歸其營諸軍人馬牛車日有所失樵  
採甚艱乏食思潰三月壬申戰于安陽河北大風忽起天地晝晦官軍潰  
而南賊潰而北子儀以朔方軍斷

**相州** 舊

河陽橋保東京築南北兩城守之  
大敗遂至相州城下四面穿濠圍之慶  
緒以殘傷出戰多至摧敗却入城守  
徒進中書令此復稱僕射者本相州之潰舉其初  
貶之官亦春秋之書法也洗兵馬則目之曰郭相  
諸詩皆乾元二年自華之東  
郡道途所經次感事而作也

**掘壕** 安祿山事跡十一月五日慶緒  
以五萬眾列陣于愁思岡賊眾  
**僕射** 汾陽初敗于潯水諸關請  
貶降為左僕射已而加司

**潼關吏**

士卒何草草築城潼關道大城鐵不如小城萬丈餘

方曰此詩在卷八  
多信即似自  
樂子謹圖而  
有以



作連雲句乃同  
中語如形勢宜  
守高自元始入西晉  
舒猶玩高廷然  
喪百業之製信也  
傷哉

蔓曰石壕離樂  
倉

借問潼關吏修關一作還備口要我下馬行為我指山

隅連雲列戰格飛鳥不能踰口來但自守豈復憂西

都丈一作人視要處窄一作狹容單車艱難奮長戟萬吳本

古用一夫哀哉桃林戰百萬化為魚請囑防關將慎

勿一作學哥舒

潼關雍錄潼關在華州華陰縣東北關西一里有潼水因以為名哥舒

日遡黃巷以濟潼至韓軍敗引騎絕河還營至潼津收散卒即關西之潼水也西征賦

唐始于其地立關耳左傳守桃林之塞杜注今潼關是也三秦記

好行則收華山休息林下惡行則決河漫延馬不得過哥舒

矣元和郡國志桃林塞自靈寶縣以西至潼關皆是也初哥舒翰

關郭子儀李光弼亦謂潼關大軍唯應固守不可輕出請堅守潼

遣中使趣之項背相望翰不得已撫膺慟哭引兵出關然則潼關之失守

石壕吏

暮投石壕村有吏夜捉人老翁踰墻走老婦出門看

蘇潤公本作老婦出門吏呼一何怒婦啼一何苦聽婦前致詞三男

鄴城戍一男附書至一作二男新戰死存一作者且一作偷

生歿者長已矣室中更無人惟文粹有乳下孫有孫母

未去陳浩然本作出入一作無完裙一云孫母未便老嫗力雖衰

請從吏夜歸急應河陽役猶得備晨炊夜久語聲絕

如聞泣幽咽天明登前途獨與老翁別

石壕寰宇記神雀臺在陝州硤石縣東北四十五里石壕鎮東北困學

是也十國曰石壕陝東成其地新安西石壕即石嶠也按嶠在農澗池

西北貞觀八年移嶠縣于安陽城在硤城西四十里謂石壕即石嶠誤矣

無稽且非自華之東都所取道也鄴城安慶緒保鄴城自乾元元年

陽郭子儀兵既潰用都虞侯張用濟策守河陽七月李光弼代于儀元和







居塌然摧肺肝

土門

元和郡國志恒州有井陘縣井陘口今名土門口獲鹿縣西南十里即太行八陘之第五陘也四面高中央下如井故名之述征記

日其山首自河內有八陘井陘第五困學記聞即井陘關也今狐峒頭真卿墓誌河朔一十七郡同日嚮順連兵二十萬橫集燕趙旁貫井陘啓土門通太原李光弼郭子儀得杏園舊書郭子儀自杏園渡河圍衛州橫行河朔復常山趙二郡通鑑自杏園濟河東至獲嘉破安太清太清走保衛州進兵圍之董秦為濮州刺史移鎮杏園亦此地九域志衛州汲縣有杏園鎮

無家別

寂寞天寶後園廬但蒿藜我里百一作萬餘家世亂各東

西存者無消息死者為一作委塵泥賤子因陣敗歸來尋

舊一作蹊一作人行見空巷一作日瘦氣慘悽但對狐與狸豎

毛怒我啼四鄰何所有一二老寡妻宿鳥戀本枝安

辭且窮棲方春獨荷鋤日暮還灌畦縣吏知我至召

方曰昇對地數時  
幸尚存存陽  
里也

毅符  
象  
句

令習鼓鞞雖從本州役內顧無所攜近行止一身遠  
去終轉迷家鄉既盪盡遠近理亦齊永痛長病母五  
年委溝谿生我不得力終身兩酸嘶人生無家別何  
以為蒸黎

五年

天寶十四載祿山反范陽至此恰五年

夏日歎

夏日出東北陵天經晉作經中街朱光徹厚地鬱蒸何

由開上蒼久無雷無乃號令乖雨降不濡物良田起

黃埃飛鳥苦熱死池魚涸其泥萬人尚流冗舉目唯

蒿萊至今大河北化一作盡作虎與豺浩蕩想幽薊王師

安在哉對食不能餐我心殊未諧眇然貞觀初難與



數子借

中街

舊注中街黃道之所經也前漢天文志日有中道月有九行中道者黃道一曰光道北至東井去北極近南至牽牛去北極遠東至

角西至婁去極中夏至至于東井北近極故晷短日陽也陽用事則日進而北晝進而長陽勝故為溫暑陰用事則日退而南晝退而短陰勝故為涼寒也晉天文志夏至極起而天運近北而斗去人遠日去人近南天氣至故蒸熱也爾雅疏鄭注考靈耀云夏日道上與四表平下去東井十二度夏至則星辰北游之極日南游之極

夏至之日日在井星當高高之上 號令 後漢郎顛傳孔子曰靈之始發大壯始君弱臣強從解起

易傳曰當靈不靈號令弱也靈者號令其德生養 流冗 光武紀詔曰流冗道路朕甚愍之注冗散也

夏夜歎

永日不可暮炎蒸毒我 一作腸 安得萬里風飄飄吹我

裳昊天出華月茂林延疎光仲夏苦夜短開軒納微

涼虛明見織毫羽蟲亦飛揚物情無巨細自適固其

常念彼荷戈士窮年守邊疆何由一洗濯執熱互相

望竟夕擊刁斗喧聲連萬方青紫雖被體不如早還  
鄉北城悲笳發鶴鶴號且翔况復 一作 煩促倦激烈思  
時康

青紫

鶴曰時府庫無蓄積專以官爵賞功及清渠之敗又以官爵收散卒應募入軍者一切衣金紫故曰青紫雖被體也

早秋苦熱堆案相仍

時任華州司功

七月六日苦炎蒸 一作熱 對食暫餐還不能每 一作常 愁夜中

自足蝎况 一作仍 乃秋後轉 一作復 多蠅束帶發狂欲大叫

簿書何急來相仍南望青松架短 一作絕 壑安得 一作能 赤脚

踏層冰

立秋後題

日月不相饒節序昨夜隔玄蟬無停號秋燕已如客

四  
時  
記  
不  
定



平生獨往願惆悵年半百罷官亦由人何事拘形役

杜工部集卷之二

嘗熟絲錢百





